

觀

象

玩

占

觀象玩占丁集目錄

第十二卷

女宿

虛宿

第十三卷

危宿

室宿

壁宿

第十四卷

奎宿

婁宿

第十五卷

胃宿

昴宿

第十六卷

畢宿

甬宿

參宿

婺

丁集目錄

觀象玩占卷之十二

女宿

總敘

女四星曰湏女亦曰婺女天之少府也一曰天女有左一曰臨  
官女水星也主布帛為珍寶藏庫其下九尺為日月五星  
中道湏女者賤妾之稱婦職之卑者也故又主嫁娶知婦工其

星明則天下豐女工就府庫充暗小則女工失職府庫空虛  
國用不足移徙則后妃廢天下婦多以產死郝萌曰女星不  
明則法令易詩書

絕甘氏曰女星動則天子有嫁娶事湏女又主麻其色白則麻  
好色黃色青則麻以垂傷

日月災異占

日在女食天下女子憂女工不成郝萌曰后妃病其氏曰宮中有禱

祠求幸者戒在巫祝

日暈于女後宮有憂一曰女主忌之武密曰後宮有囚病者且  
女食女主憂天下女工廢郝萌曰宮中有禱祀事戒在巫祝  
武密占曰有兵旱石氏曰女主弱國有憂

月暈于女天下婦女多死有兵謀不成有大風起石氏曰月暈圍  
女有兵進不聞一曰不戰而降河圖帝覽嬉曰有暴兵大戰將  
死荊州占曰布帛倍貴一曰民多去其居室絲綿貴

月暈女兩重以上女主死

月在女有變有兵不戰而降一曰有嫁娶事亦為女王憂布帛貴

月五星干犯占

月犯女河圖帝覽嬉曰天下多女患陳卓曰將軍死國有憂一曰大人死女主病乙巳占曰女子多病患人主以女惑有政易高下賤女工興有女令一曰多霧蟄虫死

歲星守女國有喜歲死雨水又多動死黃帝占曰大飢米斗三百人有自賣者石氏曰有女喪大水興至平咸曰王者欲費財宝若廢女工期不出七十日又曰萬物不成寡婦多死海中占曰留守二十日天下有嫁娶事布帛貴都萌曰后夫人有憂氏密占曰有火災木逆行女其軍不重農業

木逆行犯凌乘女天子大臣俱有憂有奇令布帛貴賤不時犯凌

乘女天子大臣俱憂有奇令

木入女甘氏曰有進美女者有走后宮人受賜

木終女石氏曰起人以金銀示貢

木留女郝萌曰宮中有火災曰五谷水傷曰布帛貴妾為主

木出入留舍女黃帝占曰三十日不下小人有慶五十日不下更立侯

王六十日不下兵起于野遠期不過冲郝萌曰不出二年天下

用兵

木犯女晉志曰有內亂曰外國有進美女者后妃喜宮中受賜不出

百日其氏曰有立后太子

受惑守女黃帝占曰皇后病宮中有火災二曰產婦多死布帛大貴  
春秋文曜鉤曰人主以勝為后二曰獻女者其氏曰布帛出守之  
二十日布帛絲綿大貴陳卓占曰大人不安五谷不成民多病  
國大飢巫咸曰邦有女主喪宮中女憂牛角大貴却萌曰夫人有  
變二曰女子為政法令亂更國有嫁娶事臣下衣服僭侈守之三  
十日有叛逆君憂之海中占曰火守女國多妖大臣當之荊州  
占曰火守女為政急火色青有女主喪宮中憂色黑宮中女  
多死黃帝占曰火以冬十二月守女西南奸人入邑守女北諸侯



有嫁娶女絕國者一曰火守北大水民樓木上火犯女貴人多死者

火犯女遂守之女主死府藏中有狀兵甲一曰大臣憂

火入湏女石氏曰女主后妃死郝萌曰天下納美女一曰糴貴人多飢死荆

州占曰布帛貴一曰多火災太白經天一曰兵大起火出湏女國有

憂出其中人主憂出其內兩旁群臣憂留守之則有大憂

火出入留舍湏女十日不出刀劍大貴五十日不下天下大愁國兵大起一

曰吳越人受兵 火入湏女上求女

火舍女蚕不成留之有反臣逆者從后夫人家起

火逆行女至牛而還千里无稼穡

火犯守凌乘女皆為有反者從女起若有女喪主女死其年米貴三倍  
人多死一曰宮中有奇令若還行犯守之其灾尤甚

火與土同在女宿女主惡之 火逆行守犯源女后妃死大臣憂

布帛貴都萌曰火守女北大水

鎮星守女人相啖食有惡疾有賤人暴貴有女喪一曰政在后宮女須橫  
行石氏曰多妖女巫咸曰天子多交好貴人與賤人女交都萌曰大  
水且至乙巳占曰多妖女朝臣幸上海中占曰土守源女之陰山水出  
懷城廓天下多土工一曰后有子喜土入女天子納美女 土逆行  
女天子不親政事

土宿逆行變色女主不重女工委棄

土中犯凌乘女人民相惡有女喪

土犯女蚕凶大臣有變命有更令有奇政

土出入留舍女三十日天下有失地之君五十日不下有走王民流亡吳越之國且以武政天下

太白守女臣下謀上兵起天下多寡婦所藏發布帛珍寶貴

平咸曰萬物不成有嫁娶事却謂曰后夫人有變妾勝為主一曰妃嬪謀主

起兵於內北官候曰有女喪一曰太白守女去之一尺天下婦女人而

男子少一曰金守女有嫁娶之事李淳風曰主有女喪

太白入女中而守之幸臣與女為亂犯黨謀主兵起于內民災庫藏金帛  
玃寶出 金入女中有女喪大臣謀主

金犯女布帛貴兵起

太白出入留舍入女其國棺木而貴三十日不下

兵起

太白逆行犯守凌乘須女天子及大臣有疾有女令

辰星守女黃帝占曰天下有嫁娶事一曰他國有貢美女者有水災萬物

不成布帛大貴兵起大臣當之石氏曰有女喪海中占曰天下多雨

水津梁絕不通都萌曰后妃有變媵妾為主乙巳占曰女鄉世天下

大殺其國水國大亂一曰水守女南其地數被水守女北其地數被

水曰天下寡女多死水入女而守之其國有嫁娶事一曰有進女者后夫人有憂犯而守之同

水中犯女乘凌若入之萬物不成荆州占曰天下多寡女布帛貴陳卓曰大雨水灾國飢人病多死

水逆行變犯女天子及大臣有災有奇令

客星流星彗孛干犯占

客星犯女隣國有進奇女者一曰妾為后武審占曰兵起宮中有出女有女亂

客星守女南邦有獻女者諸侯有進奇女者賤女暴貴二曰有女表布帛

絲綿貴郝萌曰女子亂國陳卓曰米貴耳氏曰人民為亂勝妾為妻有急兵大飢人有自賣者宮中憂貴人有死者一曰有兵江淮不通

客星入女麻系泉貴郝萌曰天下諸侯有不通者荊州占曰天下有嫁娶事系綿貴一曰人君因納女亂國若入女而留不去天下阻塞青星入女天下女子多以兵死 赤星入女有女喪

客星出女宮人有謀女主憂兵起宮中貴人多死遠不過二年或曰女卿有出者石氏曰有女事色黃白吉青黑凶亦憂出女、主兵死期一年

客星舍女留不去有奇令于君

流星抵女女主有憂事乙巳占曰女主有事于君有流死者期不出

一年

流星犯女貴女有下獄者期百八十日天下蚕麻貴不成布帛貴春夏

犯之大雨絮

流星出女宮人有出者一曰女御有出使者

流星入女天子納美女北地有兵一曰流星入女色黃白天子立后色黑

天下女工多死色白宮妾死

彗孛犯女陳卓曰有進奇女者國以女亂兵起乙巳占曰王者元信改

之元咎妾為后國大亂期不出三年出之則禍消又曰大夫人兵起女主為亂王者受其殃將戮死若以戰亡期不出三年  
彗孛出女王者以女亡一曰水灾盜貴一曰國有女亂兵起大戰  
彗孛入女其國憂蚕麻不成王者惡之

雲氣干犯占

雲氣黃白入女國有嫁娶事 蒼白色雲氣入女天下女子多疾  
病黑婦人多死出之則灾消赤雲氣入女婦人多產死者一曰多  
兵起黃雲氣出入湏女天下女子多喜事

白氣入女子多疾疫 黑氣入女天下多女子之喪



虛宿

總敘

虛二星曰玄枵一曰瓚瓊曰北陸一曰天節一曰臨官一曰鄉中一曰中官  
水星也虛為廟堂為天子冢宰之官主死喪哭泣墳墓祭祀  
主天子諒闇之事主北方又主黃鐘律呂其下九尺為日月五  
星中道又主風雨雲氣將有死喪哭泣葬祭之事則占於虛  
其星明靜則天下安不明則天下旱動搖則有死喪哭泣欹斜則  
天下平亡則享祀失禮郊蒞曰虛星動則有更田制者

日月爻異占

日在虛食戒在上市租稅及繒帛器物金玉之臣黃帝占曰其國有大  
喪天下改服期九十日武家曰天下大飢兵起

日暈于虛丞相下獄石氏曰民飢二曰有死喪

月在虛食有大喪天下服改都明曰民飢去其室二曰有兵戰都明曰兵  
動民飢有哭泣蟄虫死一曰蜚虫多死又曰有土功荊州占曰有白  
布衣之會一曰宗廟有兵民徙他鄉一曰宗臣出否則家宰然

月暈虛危兵革離宗廟月變于虛有土工軍在外飢

月五星干犯占

月犯虛天下大虛虛邑復盛天下政亂國有憂將軍死有哭泣一曰宗

廟兵起百姓飢亦有凌廟之事

歲星守虛其國飢和穡失序多疾病林萌曰天下兵大起將軍鬪散士卒死亡又曰木守虛三月以上有烈士受爵者黃帝占曰大旱谷大貴石氏曰女主多死萬物不成土工與天子自將兵又曰木守虛七日以上至三十日王者起宗廟循陵塚有白衣會不出九十日其氏曰木守虛失色天子改服不出六十日孝經緯曰木守虛東民多暴死守北下有亂守西歲少雨守其南天子宮中二穀雨血宰相之家坐誅郝萌曰歲居西多水五谷傷 木入虛其氏曰天下大虛郝萌曰國政急天下亂大人憂有德令荊州占曰上有封立國色

木入虛而留守平威曰有立諸侯守之六十日不下國有死將百日不下改  
元大臣戮死期二年

木終虛齊國多憂一曰齊國有獻美女者一曰其君納美女

木逆行虛其國君不恭祭祀

木中犯乘凌虛海中占曰其東民飢且病多暴死居其南宮中雨澤  
相坐之居其西其月不雨居其北其下有亂

木居虛郊謂曰五谷以水傷

木出入留舍虛天下大苦 木犯虛遂力留守之海中占曰王者改服有

白衣會不出六十日天下大飢民流千里君臣离散歲與鎮同守

虛陰陽失序水旱不時

熒惑守虛民飢將叛谷賈天下大旱女子多死萬物不成工役興天子自將兵米賈十倍黃帝占曰赤地千里人相食又曰大臣有亂大疾疫石氏曰將反叛兵發天下更令其氏曰民為災天下大水一曰民流死守之十日二十日以上諸侯增地將軍受封

火入虛有火災君有恐郝萌曰功臣遂一曰牛車賈荊州曰天下有災有破軍殺將天下更令諸侯有死者期一年天文錄曰有故石氏曰火入虛中三月齊王死不死即走平咸曰火入虛同其出日而數之期于日兵起又以始入之日數之率一曰期十日兵罷

火虛成句已都萌曰政令急天亂大人憂戰不勝

火入虛而犯之天子且將兵血流滿野

火舍虛天子喜賜諸侯又曰火舍天府門中央天下敵令其東東藩

旱舍其南楚地旱舍其西廬江旱舍其北遼東西旱火舍虛

國有喪都萌曰天子不敬宗祀女主大臣不謹日三十日君臣俱憂

火中犯凌乘虛天子自將兵有大戰流血有亡國死王期三年都萌曰土

工興石氏曰大旱谷大貴百姓多死一曰火犯虛血流滿野

鎮星守虛風雨不時大旱多米貴春秋文耀鉤曰上壅水有土工功一曰宮

人多死一曰多病虛死一曰兵災大水萬物不成海中占曰人不安多

妖言郝萌曰大臣有欲危宗廟者亡國死王二曰政急國亂李筌

曰有客兵 土入虛中而守之石氏曰水因急進而守之有客兵

欽鉞用二曰天下多空言

土入虛有赦令大人憂天下大虛政令急國亂二曰有客兵五谷不成

土之虛有大喪憂

土逆行虛荊州占曰君臣不敬祭祀女主不謹天諸侯有宮者宗廟血

食尽罷

土出入留舍虛中有急令行未當至而至有客兵不過五日而去當至

不至其國兵起

土中犯凌乘有急令兵起大旱有赦

武密占曰星行疾有客兵即去不出三年巫咸曰土入虛中伺其出日數之與火同占

土與木同守虛名曰陰陽盡為大水災魚行人道民流元居三年大旱亦地千里

太白守虛國政而急虛臣謀君兵起有流血石氏曰多狐寡耳氏曰是謂毋覆其子太子承國有封拜賞賜者巫咸曰民疾疫天下亂萬物不成二曰有兵兵罷一曰天子將兵農人荷戟海中占曰東北胡為寇吳楚兵大起石氏曰太白守虛去之一尺粟貴十倍



太白犯虛天下兵起從齊始或曰有大喪

金入虛海中占曰不出九十日有大赦郝萌曰大臣下獄多土工民流亡臣謀

君曰國多孤憂

太白出入留舍虛其國君有疾海中占曰君令急大有陰謀

太白在虛出芒角如劍空國兵起平咸曰太白入虛中伺其出日數之期

二十日兵起又以其入日數至出日率一曰期十日兵罷

辰星守虛則旱萬物不成黃帝占曰多雨水人流亡國內亂政急大人憂

天下虛海中占曰有兵丁壯行寡婦女獨居萬室空虛一曰春旱

秋水郝萌曰武臣誅國亡一曰水山出民無居其氏曰水守虛自角

動色青臣欺君有喪兵起國中

水犯虛耳氏曰其邦多水灾天文錄曰視辰星所在東西南北之方以為  
春夏秋冬之期一曰水犯虛臣謀君兵起國敗水入虛中大水出巫  
咸曰伺其出日數之期二十日兵發又以始入日數之與金同占

水中犯凌乘虛海中占曰春旱秋水五谷不成若冬守其陽色赤黃為  
旱萬物不成天下兵亂

客星流星彗孛干犯占

客星出虛大臣為亂兵大起國有喪天下多哭泣期三年石氏曰人主  
出一曰天子使令干諸侯

二客星出虛天下元主民已元所

客星入虛黃帝占曰兵外大飢將死兵散天下有大令郝萌曰有朱大  
貴荊州占曰兵在外國亂天下大人曼石氏曰客星入虛色赤有  
遊客入國色青黑有哭泣一曰色赤有赦粟貴色白有客以白糞至  
客星入虛三日強環繞之國有赦期七十日

客星出入虛天下自將兵于野

客星犯虛有哭泣事有改田制天文錄曰有赦陳卓曰天下有謀君若  
環繞勾己之國

客星守虛兵起期二年有亂臣人才主不故一曰國君憂之耳氏曰有殺臣

客星舍虛天下有急行石氏曰夏三月視虛有二客星將死三客星相死四  
客星軍敗五星國卞乙巳占曰客星守虛其國兵起近期一年遠  
期二年有哭泣

流星犯虛天下哭泣春夏犯廟官憂秋冬犯天子將兵于野流星  
入虛人主有大憂臣相賊有拔邑有亡國一曰有哭泣春夏入之宗廟  
有憂秋冬入之人主自將兵海中占曰流星入虛兵聚其下天下  
論曰流星入虛色黃有求賜者哭泣色黑相死否即逐之

流星出虛貴人疾病一曰君使人出外求于人出虛黃而光澤有德令相  
有喜流星從虛危中出貴人使出求藥

流星出虛入危小人秉政

彗孛出虛天下亂有叛臣兵大起國易政陳卓白天子自將兵有大  
戰流血有光芒所指國亡近期三年遠期五年

彗孛犯虛其國亡天下有哭泣事有改制宗廟起兵一日多大雨元立垣  
彗孛行犯虛有兵有食相殺流血成川積骨如山

彗孛出虛危之間有叛臣起于其國兵大起國易政期三年

雲氣干犯占

雲氣入虛若色白色有哭泣出之禍除

黃雲氣入虛天子明喜起廟祠祀

黃白雲氣入虛享氣也天子明喜祀宗廟

赤雲氣入虛有災一曰有兵出廟中出虛有兵在廟外

白雲氣入虛有無弊之客來出虛有使出外

黑氣入虛有水災一曰廟圮

雲氣如之虹出虛天下大虛多火災

觀象玩占卷之十二終

觀象玩占卷之十三

危宿

總敘

危三星曰天府亦曰天市土星也主墳墓宮室祭祀主架屋天子之廟堂也又為百姓市其南下九尺為日月五星中道虛危者天子禮堂亦為冢宰之官主天下死喪哭泣之事星明則天子安暗而動則天子作宮室興工移徙則天下謀作不解失色則客有誅者不見則山陵毀敗搖動則天下大動

日月變異占

日在危食宮廟崩陷李淳風曰有大喪臣改服大臣叛天子改作人主兵起有哭泣事

日暈于危其邦有喪一曰其下廢王

月在危食其氏曰有大喪天下改服石氏曰宮廟有驚又曰不有大喪必有病君一曰大臣死尚服之官有黜者

月暈于危黃帝占曰有兵一曰軍敗却萌曰國主死民多病亡有兵謀不成荊州占曰有亂謀天下樓河圖帝覽媿曰軍所止民多去其宅乙巳占曰有喪天下哭泣武密曰先舉兵者敗

月以正月暈危民去其室



月在危有變有死喪哭泣山陵墳墓屋動衆之事

月宿危而霧兵起士卒多死

月五星干犯占

月犯危有哭泣河圖帝覽嬉曰人君多治樓台宮室者都萌曰天下大表  
改服海中占曰國有憂二曰兵在外將死

月入危中宮殿陷大臣逆天下亂

歲星守犯危祀祠不恭有哭泣事天下更造宮室人民若于工役其比  
曰有立諸侯天下民不安寧巫咸曰役煩賦重天下屋謁民惡其  
上強凌弱兵起多盜賊石氏曰諸侯有兵又曰祭祀不恭却萌曰

來年多雨處其東民飢

木入危鄰萌曰政在臣下荆州占曰天下有受爵王又曰賊臣起兵天下亂  
木之危春秋合誠圖曰民無寧處

木舍危南石氏曰天雨血于主室

木出入留舍危其國君死之 木犯危有土功有哭泣事天文志曰兵起

一曰雀煩天下怨天雨血

木入危守之三十日不下諸侯兵起六十日不下其國受兵百日不下

谷貴客兵將死荆州占曰木留守七日以上立之三四尺王者高

其宮闕 木舍危民相惡多盜賊

憂惑守危歲飢人疫死无葬者南東方皆有兵起大臣為違國易政

大旱未貴十倍

黃帝占曰民為變一曰其國為政者危

海中占曰春旱秋多水 都萌曰天下改常

一曰賓客有事死一曰天子宮中有地震裂

荊州占曰布繕庫室事東方若南方諸侯有死者陳卓曰宮中

火災土功興兵起一曰諸侯相殺

天文論曰有大赦守下星大臣死守中星諸侯死

守上星人民死各期百八十日

火留危巫咸曰群臣不恭南三十日至九十日歲旱兵起米貴

火出入留舍危其國善繕城兵起

火舍危天子有賜于諸侯王舍門中有敵其國以繕城郭起兵巫咸曰

國中火大亂吏民相攻二曰大臣為亂

火犯危荆州占曰天下大亂相出走君失地

火入危中黃帝占曰大赦天下 石氏曰賊臣起

又曰火入危中三月齊王死則走郝萌曰天下有變令天子自臨府中事

荆州占曰越地亡火逆行危其君簡祭祀

火入危而守之諸王謀大兵起石氏曰三十日不下立王宮廟有哭泣

六十日不下國易政荊州占曰火入危而守之三十日至九十日  
東方兵起歲早米貴十倍民食草木牛羊價倍貴曰火入危  
守之久而不去近臣叛兵起陳卓曰有哭泣

火入危留之已去復遷居之人主惡之

鎮星守危有工役兵起星隕國有急兵有旱灾五谷不實民疾病曰  
天下弋微天下歎春秋文耀鉞曰兵起人民憂海中占曰兵起南  
方野物入國民流亡郝萌曰盖造事起荊州占曰人多病癰疽河圖  
秘微曰土守危去之一尺女主憂若貴女有死者石氏曰土守危芒角  
動天子弋微其色黃黑則土工大興

土入危天下大亂賊臣起荊州占曰天子好弋獵天下飢荒大水災兵起  
土入危而留守之海中占曰其國破亡有流血將軍戰死亡地五百里有

徒王期三年 土逆行危女主先不謹

土之危春秋合滅圖曰忝大熟民有憂

土出留舍危其國空虛中外有急有破軍失地有流血有死亡期三年  
土未當至而至危其中有客兵不過五日土當至而不至其國有兵

土中犯乘危其氏曰后憂疾兵表並起有大戰土工大用二曰土犯危齋戒不  
謹有哭泣更造宮室民黃兵起

太白守危早多大災民多癰疽之疾却萌曰主政急大臣有謀石氏曰將

軍憂耳氏曰太白守危去之一尺已內諸侯無怨中者大臣以總言  
相毀政黜者

金入危而犯守之多火災一曰歲飢旱五谷不成

金犯危天下飢兵起至歲曰有兵止無兵起天下有急事兵大起國  
有憂一曰兵加于齊其國有亡城一曰大臣為亂大飢

太白與危闕不出期年國有叛臣

辰星守危臣下謀亂臣被刑執法之官憂多水災石氏曰粟大貴大水有  
喪大臣戮天下大兵發耳氏曰皇后憂疾兵喪並起郝萌曰宮室

工後與其國危石氏曰大人表去之水滅乙巳占曰奸臣有謀

辰星犯危奸臣謀主荆州占曰辰星乘犯危天下亂耳氏曰大臣被戮宮

中有憂國多災

水逆行危國君失祭祀之祀

水之危巫咸曰霜雨百日國大雨水五穀不成人飢

客星流星彗孛干犯占

客星出危耳氏曰大臣誅刑官憂多水灾工役兵出危中多雨水五穀不

成人相食

赤星出危中以火廢國

客星犯危國有哭泣事一曰雨水谷不成人相食於道有土工

客星入危有土工天子築宮室不出一年大飢荆州占曰不出一年大水都誦



曰有赦 客星守危敗立侯王諸侯憂死土工興國敗人飢大哭

泣事谷大貴其氏曰迂都其地更立侯王和萌曰天下易政人主失勢亡主強臣奪命在后族又曰大風有所危敗又曰天子治宮人流國危不出三年荊州占曰有哭泣天子改服不出百八十日

流星入危乙巳占曰天下不寧下人謀上其國憂期百十日遠一年武密占曰君子憂小人流天下奔亡期百十日一曰小人居君子之位一曰流星入危左右皆為有兵一曰流星入危色青黑水灾白為四足虫為灾黃為土工赤為兵乙巳占曰流星入危其國弊之危左兵為弊之危右水為弊行流星犯危祭祀事動春夏犯為水灾浚

溝洫秋冬亂之口舌大起 流星抵危色青赤為兵黃土白喪

黑有分國 流星交對抵危中國與夷交兵天下搖動

流星出有發屋事色赤火發色黑水發色青以憂色白以兵發色黃  
以好廢

流星入危黃潤天下土興色黑大臣灾天子復者有水患

彗字出危土興天下亂司空以土工事行誅有反臣兵起大水人飢流亡

彗字出虛危間其反臣兵大起將軍出國易政遠期三年近期一年

彗字犯危其國有反臣兵大起有哭泣

雲氣干犯占

蒼白雲氣入危天子大造宮室

青雲氣入危國憂有損屋

赤雲氣入危有土工蓋造之事大作一曰宮中有兵憂

黃雲氣入危皆為土工興一曰黃氣出危國有喜

赤雲氣出危以火發屋一曰有火災

黑雲氣出危北鄉大水人流亡東隣其國君死百草不實西鄉主憂

死表南鄉有疾疫期不出其年遠期年白雲入危其國有兵

青黑雲氣出入危皆有水災黑雲氣入危自北來大水西來君死東來

木稻谷不實有兵皆不出其年白雲氣入危若黑氣皆為死喪哭

泣事

室宿

總敘

室二星曰營室一曰玄宮二曰清廟一曰玄冥二曰天官一曰天庫二曰木官天子  
之宮軍糧之府木星也主宗廟主三軍庫實及土工事其下九尺為  
日月五星中道其上六星兩兩而居曰高宮后妃六宮之位為宮  
掖水巷成營室二星上一星為天子宮下一星為大廄故置羽林軍  
以衛之將有土工事占於宮室星明正其國昌不明鬼神不享祠祀  
國多疾疫動則有土工事亡角則兵疫星亡則輔臣死高宮不具

則王者先子宮室東壁四星為天四輔欲其中正而實四方也實其間小星多也荆州占曰四輔不正則輔臣不忠外職權二舍不實則宮中淫泆出入不常嫡妾相踰宮文怨曠

日月變異占

日有室食王者自將天下大擾黃帝占曰後宮出入先禁一曰外職擅權君戒出入有軍在外絕糧士卒逃散一曰國變主易

日暈于室人主好色外戚弄權一曰後宮有變女主出一曰人君為天子所制月在食陰道傷不能化生年飢民絕糧郝萌曰天子無嗣女主憂危一曰土工興天下匱乏在東壁亦然又曰掖庭女主當之

月暈宮室婦人多病死天下有謀奸臣亂起不成海中占曰兵有屠城  
郝萌曰宮室敗一曰宮中有喪一曰大起風天文錄曰有水災一曰宮  
中有陰謀乙巳占曰有蠻夷使來貢

荊州占曰常以四月七月十月候月若暈玄宮不出六十日有妄  
言警聚百姓不則不出九十日天下有急事

月暈室壁風起大水至孕婦小兒多死

月交于室大臣為亂國亡地將死相去有哭泣兵在外者敗一曰王者自將  
兵不安正寢

月五星干犯占

月犯室土工興一曰宗廟毀宰相憂二曰有哭泣將相去其國亡他又曰王者自將若月宿南宮君寢不安必有移徙之事國有憂一曰有亂亡地宮廟有毀土工興相死兵起天子自將

歲星守室天下飢國有急令石氏曰人君不安親戚宮中有火突平歲曰人多疾病海中占曰王者去正殿居則宮室施恩宥過則元咎却萌曰土工興兵野有廷王有立后一曰宮中有天死者一曰后夫人憂玄冥占曰其邦有得地守之二十日以至七十日則有大賊天子自整六師兵車大行天文論曰木守室人君有豐芻爵祿及天下乙巳占曰有德者得地歸于民爵木守室處其東有敵令處其南春

雜賤曰國有喜處其西米貴牛馬賤處其北國有憂天文論曰

木守室有赦去陽之陰牢獄尽空

木守室犯其陽陽有急令

犯其陰陰有急令曰土工興

木經室而去人事有慶賜事天

下有受爵祿木之室田宅大賤

木逆行室其君用兵不時君

出不遷

木留室處其北有兵兵罷處其東食貴民多徒處其南春食賤處其西

有憂

木舍室行不由正道人君用人失當

木出入留舍室八十日不下地半動九十日不下有急令大將出齊伯占



火入室因留舍之臣謀君宮中有火變期不出年海中占曰留二十日天子凶舍其南主后凶舍其西太子凶舍其北諸侯有死者

火居營室兩軍相當守相和則吉不則俱殃

火留室大人憂陳卓曰后死一曰臣下為賊色赤而怒芒角火起後宮有變不怒无咎 北宮候曰火舍室久居其陰萬家邑拔千家邑 驅掠其陽千家邑拔萬家邑亡 火犯室而達守之天子好色

君后皆不以合終一曰宮中土役民死歲旱火以正月入守室賦斂 重民大飢困 火守離室正東為父守正西為母守正北為妻守

正南為子守正舍星為身其言赫赫其國易期三年遠五年

兵起

鎮星守室天子興造宮室起土工將軍益封石氏曰天下不安百姓易處人主徙宮工匠大用却萌曰后夫人有憂巫咸曰閔梁不通持節人多死乙巳占曰大人惡之以赦解之

土守室色黃白宮人有賜邑而去者土守室南人君有金室賜之若文守之大人憂以赦改令

土宿室而逆行女主自恣 土犯室其下有兵出入以養斧鉞貴人憂石氏曰犯其陽陽有急犯其陰陰有急荆州占曰土工與宮

一  
中有變天子慎出入

土之室田宅大貴

土出入留舍室六十日不下諸侯不通七十日不下天子土工大起  
土逆行留守室天子不親九族親戚離下謀上天子不寧

太白守室兵革解散久守之則兵在隔野石氏曰太白守室去之一尺  
威令不行又曰太白守室妃后太子大臣謀兵起于內郝萌曰  
君有殃天下金錢耳比曰天下有大兵欲乘水攻王侯之國不出  
四十日荆州占曰天下更令有破軍期三月若百二十日守六十日  
不下將軍死李筌曰太白守室有暴兵

金犯室其陽陽有急犯其陰陰有急一曰人君失政兵起宮中太白  
守室環繞之句已女主廢一曰有大喪宮人出入自恣太白逆行

勾己營室天子宫中有兵

太白出入留舍室五十日不下衛國困有憂一百日不下將軍戰死留

舍室中期六十日天下金賤

太白晨出東方上至營室而返還入東方強國不利其出西方若東方

過宮室強國君有興者不及營室而返強國戰敗

太白犯守禹宮環繞勾己成之若逆行往來于禹宮皆為女主廢黜或

主崩或主后黨誅或宮人通外人以月辰占之

辰星守之室天下諸侯發動于西北一曰有水災天子欲廢諸侯之國

不出四十日巫咸曰五谷不成都萌曰雀饑起一曰后夫人憂有大

喪大臣殃玄冥占曰有大兵乘舡而來

水守室北天下閭梁悉不通

水守室色青宮人多死者大人憂之守一旬期三月相逐三旬期五月國君死  
水之室天下徃役民無寧處

水中犯凌乘室其國水灾城廓有憂一曰水犯室有土工石氏曰犯陽陽有  
急犯陰陰有急

水入室防有水兵來不出百三十日

客星流星彗孛干犯占

客星入室國有土工人飢大臣作亂兵起士卒亡其星色赤黃主去

其國貴人多死將軍國事邾萌曰客星出玄宮城墮有壞者  
石氏曰有兵先起者敗一曰君使人于諸侯以色占之

赤星出玄宮廟中兵起白星出宮中人有受賜者一曰赤星出室宮  
廟之中有死傷 客星入室巫咸曰有兵海中占曰有軍軍飢

將士离散邾萌曰外夷兵入其國多土工一曰諸侯有使來以五  
色占之一曰邊兵起人飢一曰國亂人去其主一曰盜賊起一曰有  
兵起巫咸曰人流亡一曰多陰雨无立垣北宮候曰叛築事興

客星入宮中天子有憂順行有德令逆行君凶

黑星入宮中天子以葉杀宮中人不則有革人主者

白星出入天廟中有兵 赤星出入臣謀主

青星若黑星出入宮廟中有死者亦為敗廟事

黑星出從天廟南之天廟北女主死

客星犯室宗廟事有天子憂

客星舍室其國且作宮廟多土工留之不去北夷兵入

客星守室其氏曰軍有則客軍降主人得地荆州占曰多雨水垣墻

无立者却萌曰主出工匠起其國絕祀曰三軍動兵不戰牛

馬驚不出七十日宮中有變

客星守宮後宮有急事人主憂之

流星入室有外使以所起占其所從來以五色占之其事

流星出室有內亂宮中兵起主去其宮一曰天子使出以五色言其事  
以星所之言其所往之國

流星若色黃出入室五谷成軍糧豐

流星犯室軍糧乏春秋紀將黜乏秋冬犯水盜有土功事

火奔星抵室其國貴人死上旬為老年中旬為中年下旬為少壯期

一年 流星以冬至前後三日內出室國有急事

彗孛出室國亂有大水大喪為政不出五年有兵兵起者敗一曰兵起

人疫彗見室中後宮有亂一曰有德令一曰有赦



彗孛犯室充起兵者弱不可戰戰必敗失地期百十日遠三年若六年  
彗孛出室壁間兵大起有大喪有亡國死王期不出三年

雲氣干犯占

黃雲氣入室有土工事

蒼白雲氣入室大人憂喪

黃白雲氣入室潤澤諸侯有事使來若出室天子有使出外皆言宗廟  
之事 赤雲氣入大道來室上下人主不可出宮有逆臣有病

疾不出三年其土大飢有軍在外則有大戰流血暴死 赤氣入

室有兵 赤氣如波揚入室兵入宮有亡國

黑氣入室大人憂死喪 青氣入室其國憂

雜氣入室人多暴 黃氣光明潤澤出入室國有喜有氣明潤  
澤如日月之彩出入室中男子之祥

壁宿

總叙

壁三星曰東壁二曰天街一曰天池二曰天梁圖書之府土星也主文  
章亦主土工興營室共為天之四輔其南下九尺為日月五星  
中道星明正則道術行國多君子若大小不同或失色則天  
子輕經術賤文士動推則土工興離徒就聚則天下有田宅事  
星暗則王道失小人進用

日月變異占

日在壁食陽消陰悖師友道喪教學不興文章廢他人主惡之

日在壁食王者不從師友失忘孝道文章終術不用王政不興以是  
日暈于壁人君棄賢用佞名士憂

月在壁食大臣憂文士死天文論曰女主憂文章不用一曰有開閉之  
事大臣誅一曰陰道毀傷不能化生近臣有憂武密曰文章之  
士憂

月暈于壁風起有大水寡婦嬰兒多死一曰其分有兵海中占曰國  
有亂巫咸曰賢士囚戮庫藏火災

月暈于壁三重其國有兵不戰而敗

月變于壁損孕婦軍在外大驚近臣去曰大臣為亂人民多死又曰將軍死軍絕糧將軍有謀將有府庫土工之事

月宿壁中不風即雨南斗同

月五星干犯占

月犯壁大臣為亂人多死乳婦憂土工與有兵天文錄曰近臣憂一曰民  
亂兵在外將死一曰天下亂

月掩壁大臣戮文章廢國有開閉事

歲星守東壁有大赦王者好文章之士用賢人舉天下平經術行朝政

大興二曰有德令其氏曰四海同心天下大安久守之宮中有火  
突兵起土工興歲晚多水荆州占曰木守東壁去之九寸守之  
四十日至百四十日者好經術文章用

木久守壁若犯之有兵起夷狄侵叛

木守壁有惡色人君施惠不加親戚諸侯相謀兵起

木居東壁乙巳占曰五谷水傷木犯壁天下兵起夷狄入紀中國木犯  
壁北官侯曰天下男子有慶若受爵祿

木逆行壁人君治獄不時教令不明若成勾已木害土天下不寧木  
出入留舍壁行不順道士工興有空國有徒王五谷貴民流亡不

歸其鄉

愛惑守壁大臣謀君歲旱貴人飢賢士不用內外相讒以邪干正反  
兵起黃帝占曰言政事者誅海中占曰宮中火災一曰兵民多死  
鄰萌曰夷狄兵起大人衛守歲晚多水有大赦荊州占曰人主自  
將兵米石至千文一曰文士傷諸侯相殺天下兵起北宮候曰火守  
壁南主后死守其西太子死守其北諸侯死守其東人主自將兵  
守其中人主患之

火入壁大臣憂一曰相死不死則逐春秋河誡圖曰民服勞春秋文懼鈞  
曰大臣有謀賊臣內起天子以兵自守石氏曰衛君死耳氏曰有

匿謀一曰民疾疫平咸曰萬物不成歲凶海中占曰臣凌君二曰有  
土工北宮侯曰天下以食為憂郝萌曰火以甲乙日入壁東方有殃  
丙丁為南方戊己中央庚辛西方壬癸為北方

火居東壁兩軍相當不解則俱有殃

火出壁米貴人流亡 火出入留舍壁三十日不下五谷貴民不居其鄉

六十日不下外兵至二曰二十日不下賊臣起四十日不下有火災人疫

火中犯乘凌壁兵起工役與其分尤甚二曰臣下弄法賊臣起

火逆行東壁民疾疫二曰女主自恣

火逆行犯守壁環繞成勾已衛國受兵其君死不死則走

鎮皇守壁賢士用道術興天下豐熟人主壽昌石氏曰遠人來貢若失  
行變色則兵起有土工夷狄人民多病水旱俱作萬物不成一曰有市  
易荊州占曰土舍壁文章用

土出入留舍壁有土工留舍之九十日不下有帝王興

土逆行壁女主干政辰星犯壁旱者有刑罰急朝廷憂國有憂賊保守吉

客星入壁人主立宗廟多土役大水津梁不通鐘鼎鹿皮貴北宮候曰有

建城立都者一曰臣謀黃帝占曰客星入壁色黃白水潦為災

客星色赤出壁大臣憂一曰赤色從東壁之西壁臣弑主若金壁后族執政  
客星來舍東壁天子有慶河津事一曰后族執政多土工大水



客星出東壁玄冥占曰兵起四方有大水五谷不成人飢有壞城郭不

出二年內

客星居東壁中谷大貴游其旁貴

流星犯壁文章不用文士憂一曰其國有兵二曰大國分兵

流星入壁天子有宗廟事 流星從西壁入東壁天子用故臣

流星抵壁婦人灾一曰四夷交兵天下一夫十婦

流星出壁天下有亂兵乙巳占流星色黃白明潤出入東壁天下文章進

用道術興遠人來貢

彗孛犯壁有火灾兵起太廟門廟堂流血天下降或曰水灾武器日宗

廟壞大水民流

彗孛出<sup>壁</sup>者日用兵突及宗廟四門交兵流鴻。人民惶。莫知其殃近  
期一年中三年遠五年一曰彗出壁文章不用名士死

雲氣干犯占

蒼白雲氣入壁大人憂死者出之禍除 赤雲氣入壁有兵

赤雲氣入壁如波揚兵火並起大臣有壞死者

蒼雲氣入壁天子裂土建侯陳卓曰裂土出

青雲氣入壁有兵起 黃白雲氣入壁外國人貢一曰天子之畝中

期一年中三年遠五年一曰彗出壁文章不用名士死

觀象玩占卷之十三終

觀象玩占卷之四

奎宿

總敘

奎十六星曰封豕一曰天豕一曰天庫一曰天邊金星也奎為天之武庫其  
下九尺為日月五星中道西南大星為之天豕自亦為天將又  
為女令石氏曰奎主庫兵禁不時故置將軍以飲之奎又主溝  
瀆故將有波池江河之事皆占于奎宿奎大星欲其明明則天  
下安芒角動挫國必用兵或曰有敵奎星直則人主勢天下无  
文動則有溝瀆之事芒角則人主淫泆廢政奎中小星明則天

下大水天豕自將主水漬動則有水以日占其國

日月變異占

日在奎食魯國凶其邦君不安一曰有白衣之會南邦不寧京房曰三公與諸侯相戮賊又曰為水為旱三公失位廐庫起兵武密占曰邊竟得上意之臣起兵

日暈于奎府庫火災一曰其分守臣貶黜一曰其下有兵疫

月在奎食大臣憂石氏曰其邦君不安有白衣之會海中占曰大將兵起大臣有黜者一曰兵乏糧一曰聚斂之臣有黜者

月暈于奎平咸曰米貴石氏曰民多疾一曰天下有兵大臣多死郝萌曰

妖星出大將戰死荆州占曰魯國兵大敗絮大貴武審曰其年  
有妖若有星墜為石所墜兵起

月在奎有變大臣亂大人凶人多死將軍有謀有女子事犯奎同

月五星干犯占

月犯奎大臣為亂郝萌曰邊兵不安人多死有大水又曰大人有憂有溝  
瀆若女子之事乙巳占曰月犯奎大星乳婦多死邊民不安有大水

月食奎星軍乏食大將戰死 月入天庫中天下兵起

歲星守奎四十日已上王道大興忠臣進用若守三十日已上起兵魯

地盜賊起

黃帝占曰歲久守奎北夷來降

洛書甄臞度五谷熟 石氏曰木守奎大飢却萌曰天下以飢起兵有

客軍荊州占曰王者憂一曰多獄訟

海中占曰木守奎南馬牛賤

木入奎却萌曰其年五谷虫傷一曰其分主有匿謀期一年

木入奎居其東糴乍賤乍貴居其南米粟牛馬繒帛皆賤居其西

房萬物貴人不安居其北則民憂居其中有土工有小赦

木入奎中而守之兵起人主憂大臣有死喪凶

木入奎中石氏曰有土工却萌曰有白衣之會

海中占曰木處奎南春雜貴處其東乍賤乍貴民移徙不安處其西

四月五月雜貴處其北民憂

木逆行入奎而守之其君好攻戰兵不急民流亡

木出奎光明潤澤吉變色入之有偽令來者若出之有偽令出外者

木逆行奎臣下有匿謀若守之女子多死一曰木逆行奎旱執法吏多

死五穀傷耗牛馬賤

木犯奎近臣為逆一曰滅諸侯

木入留舍奎其年小旱晚多雨水居左右不占若其中有客來呈色

光明潤澤主人戰勝



英武守奎區人相詰諧父子不和君臣離隔若留二十日以上有反巨  
兵起米貴人多死產婦多死有水災民相攻擊有赦黃帝占曰  
天下農不得耕

感精符曰庫兵起國有死君歲多獄事石氏曰多疾病不宜婦  
人北夷侵邊海中占曰其國君憂一曰女多淫一曰山盜起有水事  
荆州占曰王者憂貴人死多者菽粟貴西官候曰大臣有謀君  
者魯國受兵期一年又曰諸侯有孽國有大賊謀在近臣一曰  
兵官當之一曰二千石多調凌之事

火留于奎却萌曰下臣專傲訟煩閔梁不通春秋文雅鈞曰

主偏黨不失則災惑久留于奎

火留守奎動搖進退有赦天下有大水民多死

火入奎民多病黃帝占曰臣為達石氏曰火入奎中三日魯國君死八十

日相死 火入奎環繞勾己之宮中火災天子災其氏曰相死三

十日以上不去將相凶三月不去君不死即去走期三年一曰有水

突人流亡

火入奎留二十日以上大臣匿謀有伏賊期八十日若八月

火变色入奎有偽令來者若出奎有偽令出使者

火逆行從妻至奎兵起逆行守之女多暴死者

火出入留舍奎天下有爭言者有伏士魯受兵二曰諸侯爭伯天下飢  
民有自賣者

火抵奎若犯之耳氏曰國人相譖天下懷憂君臣隔塞父子不信民多疾  
疫

鎮星守奎貴人執政黃帝占曰名士死石氏曰天子戒在邊境不可遠出  
師巫咸曰有兵災萬物不成荊州占曰王者憂星色青黑有土  
工出奎中水泉通流國亂更主一曰女星出奎女主攝政國有女  
貴却萌曰兵起北方 土入奎却萌曰以喪起兵二曰國有大水事  
土入奎而守之有邊兵二曰齊魯有兵

土色變入奎有偽來者出奎有偽出者

土出入留舍奎有德令石氏曰有大水行道不通荊州占曰國大亂更

紀 土逆行奎郝萌曰女主為賊二曰女主出入不時一曰邊境不用

兵出戰 土來舍奎有善令

太白守奎大水傷五谷不出八十日有赦大兵起終不成戰石氏曰外夷兵

入守之五十日不下大水有兵戰一歲不下三歲有兵其氏曰歲多大

海中占曰國以水兵起又曰徭役大起聖人出平咸曰萬物不成人

疾病郝萌曰有匿謀不過歲中大將戰死若幾死期九十日民流

有赦荊州占曰王者憂

金犯守奎外兵未入國若去奎一尺四夷兵治中國期四年一曰金犯奎

大霜物不成有敵外兵未有兵不戰

金入奎中大水橫流不出百日却萌曰兵起四方

金守奎出而復入米貴人流

太白出奎起兵于國外一曰為偽出使者

太白出入濼留舍其地兵起

太白入奎中而守之水泉潰湧出五十日不下庫兵大發加魯城有

戰其地大狹

太白乘芒守奎奮起相攻擊

辰星守奎水災大臣下獄五谷不成有兵火災黃帝占曰臣謀主春秋  
聖洽符曰有溝瀆之事石氏曰天下悲愁外國之王入御中國  
巫咸曰有兵天下旱多火災

水犯奎河江決臣謀主 水之天下賤人出貴女

水入奎中石氏曰溝瀆水絕

客星流星彗孛干犯占

客星出奎大水災中國亂一曰國兵出荊州占曰有溝瀆之事於中  
國外巫咸曰兵大起白衣自立為王刃劔貴期三年石氏曰  
有嬌命出使者郝萌曰謀臣有偽感天子者一曰為兵

赤星出奎外夷動兵來赤黑有破軍

客星守奎賊臣在君側其事則却萌曰臣有以巧偽感天子者曰國以佞臣亡又曰天下修兵有殺霜不時下牛疫六畜貴黃

帝占曰糴賤荊州占曰王者憂二曰魯國兵起二曰軍在外者敗

赤星守奎兵起有變爭國君有殃

客星留舍奎不去天下飢布帛貴

客星犯奎國有溝瀆之事

客星入奎破軍殺將一曰有土工石氏曰外夷起兵麻臬貴耳氏曰強

國爭地兵起白衣自立擾中國邾萌曰西夷有兵來山水繪荆  
州占曰兵大起土工大興陳卓曰武庫之臣有罪石氏曰有元  
罪所受而來使乙巳占曰有破軍殺將曰人主憂西官侯曰赤  
星入奎邊兵動有敗軍黑星入奎天下有溝瀆事

黃星入奎土工興宮中災 赤星逆行從妻至奎兵起

流星犯奎其下有破軍殺將曰有溝瀆事起兵乙巳占曰戎庫國事  
春夏犯金革興秋冬犯百川溢

流星入奎有溝瀆之事於國內武家占曰有衆事一曰為亂為白衣之  
會期三年乙巳占曰有破軍殺將



流星出奎有溝瀆之事於國外

流星色黃白潤入奎中天子修文偃武

流星色如火光出入奎中天下弓弩用

孛孛出奎石氏曰西北起兵伐中國諸侯與夷狄相愆兵大起天下有大喪一曰大水一食千錢近期一年遠三年一曰有發立國絕祀

魯地兵起

孛孛貫奎舉兵悉出禍在強臣

孛孛犯奎大飢國君出戰一曰无繼嗣

雲氣干犯占

蒼雲氣出奎有兵入奎天下婦女多灾

赤雲氣入奎有兵入出奎兵出一曰有疾病

黃雲氣入奎中有貢珠玉玕宝者一曰天子納后夫人

赤氣入奎為偽使一曰有无所受命而来者又曰天下婦女多血疾

黑氣入奎有疾疫三日夜不去大人憂出之禍除

赤氣出奎有出使者

黃氣出奎珍宝有黠者一曰有出宫人不則后妃有黠者

婁宿

總敘

婁三星曰天獄一曰密宜曰國市一曰天庖庫土星性儀宗廟五祀苑牧  
故置天倉以養之婁聚也故又曰主興兵聚衆將有聚衆之事占之  
于婁其下九尺為日月五星中道星經曰婁者天獨祿車也萬物  
所藏收也婁星明則郊祀得禮天子有福多子孫天下臣子忠孝  
暗小失色則反是動搖則有聚衆星直則有執主命者就聚則國  
不安又曰婁星明則六味和不明則反是婁又主音樂動則秋悞  
音樂太盛

日月變異占

日在婁食效祀失禮神明不享小臣不忠大臣受誅其氏曰戒在聚斂之

臣一曰有內亂

日暈于委天下主金錢者出二曰大臣誅一曰宗廟災一曰天下有兵

月在委食人主有憂二曰宮中有亂皇后憂民飢有軍在外罷不戰一曰

有聚斂事后為政

月暈于委郝萌曰大人憂憂多死帛貴

月暈委在四五月大赦一曰宰相疑大臣宗廟戮雜貴

月暈委盡國三星有赦若木星暈中必有大赦期九十日

月暈委圍及大陵則有赦死罪亦為多死喪

兩軍相當而月暈委軍俱解

月在婁而有變若食有聚斂有弋獵國君納女改遊兌度民多獄恣  
國有大憂將軍死有軍不戰

月宿婁而霧天下多有人死復生者

月五星干犯占

月犯婁人君多淫獵海中占曰國有憂郝萌曰將軍多死移徙獄多死冤  
死多聚斂外作曹荒內則色荒

歲星守婁人多病大臣亂政不思其職春秋聖洽符曰有赦石氏曰木守婁  
三十日不下天下安九十日不下國有兵谷貴耳氏曰木守婁王者  
承天得度天下安平巫咸曰天下有慶有兵自罷郝萌曰歲大熟

黃帝占曰木守婁六畜貴其分尤甚一曰天下有匿謀巫咸人疫却  
萌曰有土工多獄事貴人憂一曰有死君歲飢荆州占曰有德令牛馬  
多死苑牧空虛又曰木守婁陰牢獄空 荆州占曰木守婁東有徒

民守其北有兵西官候曰木守婁南春糴賤牛馬賤皆在歲月中  
守其西一賤守其中有白衣會有小赦

玄冥占曰木守婁去之五尺守十五日以上至三十日王者出祀四瀆  
山海一曰神不出九十日

木采留婁海中占曰處其東粟賤處其西牛馬布帛賤却萌曰處其東  
金其處其南有奪地之君

木守婁而暈有大敵 木逆行守婁其國斷獄不時人多怨訟

木入婁國有喪有聚人期一年荊州占曰多水傷谷

木行之婁牛馬大賤 木犯婁牛死牧空春米賤人多獄訟天子

有曲敵却萌曰大飢

木入婁而犯守之勾巳有白衣聚會衆三十日不下有兵九十日不

下有大喪期二年

熒惑守婁天下聚謀兵起人飢道路不通國君出走石氏曰庫兵出

兵多死一曰有白衣會其氏曰大臣有損常亂政之不當位者又

曰有水殃平歲曰民病金銀貴一曰旱多火災谷貴却萌曰北夷侵

邊又曰強爭立有大赦一曰胡王死一曰牛馬多死一曰牛大貴一曰名士死一曰宮中大臣死一曰車騎發有敗軍一曰山賊起乙巳占曰火守  
婁有死君走相兵起

火入婁石氏曰魯君死八十日相死一曰歲熟

火入婁而守之天下有聚衆有亡君死相天下飢一曰山林中大盜人多死  
有赦五谷不熟非一國道路阻塞期不出二年一曰火入守婁其國  
坐之守之三十日其國君死火逆行入婁成勾己其國人君庫焚

火逆行婁至奎大兵起大臣謀君將軍作亂期不出期年

火留婁荊州占曰獄多奸



火中祀婁巫咸曰旱谷貴多火災宮苑內兵起

火出入留舍婁其色赤而芒胡人為凶齊伯占曰其國多民士死二日將軍  
作亂道路不通

大居婁南大赦守其南大飢

鎮星守婁奸臣謀叛守之六十日不下木稼傷兵起三年乃止陳卓  
曰有亡國都萌曰有白衣之會天子戒邊兵不可遠出遠出有  
喪師荊州占曰土守婁六十日不下歲旱

土運行守婁三十日不下巫咸曰女星出入不時女謁盛行五十日  
不下臣謀君

土出入留舍委有兵不出二年外兵入

土之委海中占曰五谷熟若守之不失其行天子憂賢下士同心

土犯委天子戒在邊境不可遠出師

土入守委六十日不下國有兵歲十月小旱禾稼不成多霜

太白順行入委是謂不歸其母國有喜石氏曰終委四夷還去又曰太白

去委一尺爵祿貴若守之其母天子孝將軍有德天下大順

太白守委有白衣之會更立王侯有赦黃帝占曰天下旱高物不成穀萌

曰有兵期四十日又曰有大令荆州占曰有聚重兵起三軍行天下

多飢豕大貴一曰宮中兵起李筌曰將出元功

金出入舍委天下兵起乙巳占曰秦國兵起加于魯

太白出入留舍委外兵來入貢齊伯占曰其分受兵

太白犯委有聚衆爭一曰有匿謀夏多水災有兵

辰星守委王者刑罰急有水災萬物不成郝萌曰為白衣之會又曰

外國入御中國天文志曰有匿謀有兵二曰有兵兵罷起石氏曰多

水荆州占曰犧牲死

辰星守委角動赤黑色臣有爭祿而起兵者一曰爭地

水犯委刑罰急耳氏曰大臣下謀有誅者

水逆行守委有水災蝗虫生萬物不成犧牲死有大刑獄事起

客星流星彗孛干犯占

客星守婁社稷不安天下外別有火災人飢多疾石氏曰為亂天下有聚重事却萌曰天下太虛臣有惑主而奪其權者一曰布帛貴天下多獄訟一曰從諸侯來欲附其君不成一曰其國倉庫且焚一曰有白衣聚立牛馬貴王者憂貴人當之一曰魯地起兵五谷不登胡人多死

客星犯婁乙巳占曰國有大兵四特絕祀婁主死牧給享祀王者所以承天也遠不出三年

客星入婁外夷兵起石氏曰有聚重事米太貴荊州占曰旱千里有火災

食庫竭民多病祲萌曰客星入娄三日環繞之有大赦期七十日

客星出娄胡人多死邊城和荊州占曰有罷聚之會

客星出娄而守之海中占曰遠失地有爭國者

客星犯娄而守之有欲謀分社稷者

流星出娄有聚事之事于國外一曰五祀官用事春夏出園苑興作秋冬  
出犧牲災一曰有德令

流星入娄有聚事之事于國內一曰天苑有多屬獸若色黑苑內禽獸  
多死一曰有白衣之會為大亂期三年

流星犯娄守倉庫者黜一曰苑園犧牲死數萬犯之人多死

流星抵娄貴賤相謀不暇食

流星出沒娄歲大飢旱

彗孛出娄國有大兵倉庫先旱後水民飢死一曰臣奪君政一曰王者絕  
祠有亡國一曰魯地兵起五谷大貴米無價期一年遠三年

彗孛犯娄五谷不成倉廩虛六畜大疫國有大兵祠祀絕天下人民  
大亂不出三年

雲氣干犯占

青赤雲氣入娄有兵疫出之則禍除

赤雲氣如劔鋒入娄宗廟中苑牧兵起

白氣入委人民受賜

黃氣入委貴人受賜

黑氣入委有水白衣之會

青氣入委兵憂

黑氣出委紛紛如轉蓬始至大人食中毒一曰水大且至

觀象玩占卷之十四終

觀象玩占卷之十五

冒宿

總敘

胃三星曰大梁一曰天中府一曰天庫一曰密宮金星也胃者五谷之府天之  
厨藏主倉廩入藏積聚萬物又主討捕誅殺菹醢之事其南下  
九尺為日月五星中道胃星明則倉廩盈天下豐暗小則天下未  
貴倉廩空上下失位星亡則兵大起離徙則倉粟耗散凝聚則  
未貴民流動推則有轉輸之事芒角則有兵其旁星衆則粟  
聚少則粟散

日月變異占

日在胃食郊祀有咎土地減削黃帝占曰王者食絕委輸之臣有坐罪石  
氏曰大臣有誅者天文錄曰民疾病五谷不實一曰其分主死



日暈于胃主倉庫者黜一曰五谷不成人飢一曰天下有兵先戰者不勝  
月在胃食郊祀有咎皇后有憂大臣受誅黃帝占曰天下相蚕吞食大邑  
主亡大將軍亡其氏曰聚斂之臣憂郝萌曰天下飢人相食一曰王  
者乏食轉輸者憂一曰有倉廩賦斂之事

月暈于胃而圖之郝萌曰國君死天多陰雨姪婦多死凶一曰山崩圯園三  
星則有赦荆州占曰其國兵起戰不勝有破軍一曰軍不戰而歸  
一曰谷大貴巫咸曰倉廩有改令者河圖帝覽孳曰民多腹疾貴  
臣死石氏曰用兵先動者敗郝萌曰月以四五月暈胃或一歲三  
四暈于胃皆有赦

月暈胃昴惑在其中則有兵歲星在其中則有德令乙巳占日月暈

胃三重歲星在其中天下有兵不戰有德令姓婦多死

月在胃有變其國有憂將軍死憐國有暴兵天下谷無實有倉廩  
賦斂之事中國兵起不戰以夷狄為憂民多病

月宿胃而霧孕婦多厄

月五星干犯占

月犯胃五谷不實倉廩空國有憂夷狄為患軍弱不可以戰一日有兵

在外將君死

歲星守胃民飢疫守之二十日倉廩大出天下轉運不出百八十日

平咸曰木守胃為兵災萬物不成黃帝占曰國以元又敬有水  
早却萌曰燕兵起伐中國一曰王者開倉廩石氏曰其國吉  
水之胃不失行色歲大熟天下安王者昌又曰其年早霜一曰國有  
更變天下獄空

木入胃而犯守之徃後要動小人流亡絲綿布帛貴有急令却萌曰大  
人憂天下人疾疫木在南男子憂木在北女子憂

木犯胃天下谷不實其地大水魚行人道荊州占曰國有變令却萌  
曰他國有暴兵入中國

木逆行胃五谷不成其氏曰倉廩空一曰其君不憂五谷

木出入留舍胃兵起不用大人憂十月有旱一曰民若猛狽

木舍胃處其北兵起處其中有白衣會處其南男子疾一曰牛馬

賤處其東米貴民移徙不定

木經胃昴畢趙地有水潦魚行人道

熒惑守胃巫咸曰人多病火大貴久守之大飢一曰其年旱天文論

曰其年兵起客敗陳卓曰貴人子孫有繫獄者一曰貴人死賤

人貴石氏曰天下府藏多火災辛巳日有水災海中占曰君憂

却萌曰大臣不愛百姓荊州占曰銅貴乙巳占曰火守胃火

克金也王者行先處

火入胃石氏曰主死耳氏曰天下有兵倉粟出却萌曰有更令荊州

占曰有匿謀事不成

火入胃而守之三十日不下趙地大急人半死一曰牛疫死兵大起客  
軍敗主人勝期不出一年

火入胃而守之三十日起而北出兵大起客兵大敗東出民大擾

火入胃而守之進退環繞成勾已一百日已上天下倉庫皆空一曰有  
大兵大戰流血千里

火入胃賤人有受封爵者

火犯胃却萌曰天下谷无實國以

食為憂一曰外國有暴兵入中國一曰其國改法令耳氏曰其分

兵亂倉粟出陳卓曰貴人憂

火逆行守犯胃天下有急兵人飢倉庫空多賦斂一曰有火災

火舍胃石氏曰天下大飢有轉谷之令

鎮星犯胃石氏曰臣為亂一曰多水災天文錄曰女主憂一曰兵起客

軍敗郝萌曰天下谷死實國以倉為憂乙巳占曰天下倉有繕

者當受殃罰 土犯胃而守之天下以斂粟帛起禍

土守胃石氏曰北地金人將來獻白獸若駒驥其年谷大貴巫咸曰

多水災萬物不成有兵國元儲有德令

土守胃色赤天子自將兵出其分國亡

土守胃芒角動糧兵大起

土舍胃荊州占曰有開庫報恤之事却萌曰鎮主舍胃在其陽女主  
不用事居其陰女子亂

土之胃石氏曰天下有德令者受爵封

土出入留舍胃九十日不下客軍大敗天下小擾兵不用

土逆行若守之環繞成勾已天下有兵六十日不下士卒飢大敗九十

日不下他國有暴兵伐中國期不出一年

太白守胃人飢天下大亂黃帝占曰守之二十日大兵起有流血石氏  
曰守之五十日百姓飢餓轉事急其國大亂巫咸曰太白守胃

民疾苦流亡有兵災萬物不成海中占曰有兵不用有德令却  
萌曰有赦

太白守胃色赤如火兵起大戰血流色青黃者有德令

太白出入留舍胃中人君有食藥自殺者五十日不下天下飢國

亂亡

太白犯胃陳卓曰將軍為亂兵起四夷來入倉庫空虛其國以亡  
耳氏曰太白犯胃色赤國大敗有亡君期不出其年

太白入胃天文錄曰其分憂飢君憂一曰天下赦乙巳占曰金入胃二  
十日不下兵起流血百里後有赦



太白貫胃春秋文耀鉤曰倉廩空邊兵起四夷侵禍亂成

太白逆行胃犯守之成勾己其國君死大臣誅若去之一尺燕趙大

飢人相食期百八十日孝經右祕曰歲將大惡金加于胃

辰星守胃倉廩空虚水灾谷貴有大兵起一曰其年五谷不成有

急令人主惡之黃帝占曰國以不义敵又曰大飢有陰兵夷狄勝

巫咸曰旱多火灾海中占曰民為亂水犯胃却萌曰天下谷不

實以飢致亂石氏曰有兵占曰水犯胃母子同光國立侯王具

有急令人主當之

辰星之胃其氏曰布帛貴

水守胃若角動色光赤白以水起兵无名而窮

水逆行胃荆州占曰天下有兵倉庫空虛且有大水災

客星流星彗孛干犯占

客星守胃五谷不成天下飢一曰彊臣凌主都萌曰有奇令一曰有谷粟

金銅之令一曰有大兵倉庫焚

客星出胃倉粟出玄冥占曰王者脩四夷憂彊臣有大兵天下倉庫

發期八十日遠一年

客星入胃有白衣之會天文錄曰五谷湧貴有奇令石氏曰葆珠之  
事入却萌曰天下无聚物黃帝占曰有藥人王者乙巳占曰國有

倉庫事

郝萌曰客星入胃三日環繞之期七十日有赦

客星逆行入胃有赦天下飢

客星犯胃五谷不成倉庫空有發軍倉粟王者憂一曰有金銅之令

亦星乘胃倉庫焚

流星出胃倉庫官有坐罪者一曰有葆秣之事于國外

流星入胃有葆秣之事于國內一曰稅粟之事若出之有出粟

流星抵胃倉庫散星色赤倉庫焚

流星犯胃倉粟大出春夏犯谷大賈秋冬犯倉庫空五谷竭人相食

彗孛出胃五谷不成倉庫空大臣為亂天下兵起人飢流亡近三年遠七年

彗孛行犯胃其國兵起有水災五谷不成人主惡之

彗孛出胃昂之間狀如竹竿而倚此太白之災也出為兵戎不出一年其國有兵喪

彗孛出胃昂之間狀如竹筓有兵災大臣為亂君弱臣強邊兵大起天子憂人民驚近期一年遠期三年

雲氣干犯占

蒼白雲氣入胃國以喪糴粟

赤雲氣出胃以兵出粟赤雲氣入胃以兵糴粟

黃白雲氣潤澤入胃大人國倉庫充實出之有出粟賑民之事

青黑氣出胃兵起

黑氣入胃倉粟敗壞

蒼白雲氣出胃之喪出粟

黑氣如轉蓬出胃大人食中毒死且有大水

昴宿

總敘

昴七星曰旄頭一曰天蓋一曰天獄一曰天厨一曰天路水星也昴為天耳目

又為白衣聚又曰胡星也主兵喪主口舌奏對主獄事其下九

尺為日月五星中道下二星為天街陰陽之所分昴大星故其明

明則獄訟平國無佞臣天下安不明刑罰濫佞臣得志天下凶

其六星不欲明明則天下受誅罰邊兵多死星動則大臣下獄天子信終殺害忠臣亦為白衣會聚明而數動則胡兵大起其大星動若跳躍而他皆不動則胡欲侵邊期一年不出三年一星不見為兵為喪六星明與大星等則天下大水七星昏明而黃則兵大起

日月變異占

日在昴食邊兵起其分有殃春秋威精符曰王宗謀國同姓自立石氏曰王者有疾臣厄圉圉者解其氏曰主微之臣有亂天子法者武密曰大臣下獄有兵亂天子走

月暈于昴陰國失地胡王死趙地凶一曰胡人大飢國亂

月在昴食邊兵起石氏曰大臣貴女失禮郝萌曰人飢相食天下聚趙地狹又曰主獄臣黜天文錄曰門戶之官有事諸侯有黜者一曰貴臣誅女主憂乙巳占曰大臣誅貴女失勢有白衣會獄訟煩苛武密占曰將軍死胡不安

月暈于昴黃帝占曰天下大飢北夷為亂荊州占曰其國主死一曰貴人多死有兵有暴令有流言者又曰不出其年天下有變又曰

大水谷不收成人天流去其路畜其鄉多病腹疾一曰畜多死至咸曰人食絕

兔多死京房曰月以九月與十二月暈昴畢及五車大郝郝萌曰

月暈昴以甲午乙未及戊巳日必大赦甲午期三年戊巳期六日  
月暈昴三重不出五十日有赦石氏曰月一歲三暈昴來年大赦弓  
弩責郡萌曰月暈昴一歲一暈小赦再暈中赦三暈大赦不出  
其年

月在昴有變黃帝占曰軍在外絕食郡萌曰國有喪一曰人飢流亡乙  
巳占曰有白衣會貴臣獄訟煩苛無辜獲罪民離其鄉

月行一歲不出昴畢間來年有兵

月初生昴宿南向粟賤陽國兵利用北伐北向粟貴陰國兵強不可伐

月五星干犯占



月犯昴胡王死天子破匈奴不出五年一曰有白衣會一曰其分民離散  
郝萌曰北國憂將君死一曰有暴兵起其下 月行犯昴北有

白雲繞月兵入匈奴得地赤白雲不繞月兵入不得地乙巳占

曰月犯昴貴臣有憂獄訟煩苛元事獲罪

月乘昴天下法峻水滿野谷不收黃帝占曰貴人有憂

月行觸昴匈奴大擾一曰匈奴受兵

月入昴中大臣憂有破家胡王死一曰理獄官凶一曰有赦一曰軍在外  
絕食一曰大臣匿其罪

月食昴胡王國死受兵石氏曰貴臣誅貴女失勢一曰天下飢一曰有

赦趙地受兵國大傷

月出昴北石氏曰天下有喜胡王死

歲星守昴米貴人飢耳氏曰昴者天子之囚室歲星守之下獄之  
臣皆有解不出四十日至咸曰歲星守昴大旱萬物不成多火  
災郝萌曰夷狄勝耳氏曰王者失禮天下陷人于刑宜赦以解  
之石氏曰王者刑罰急久守之有白衣之會棺木貴閔津吏憂  
天下大飢國奪地

木守昴東谷大貴守其北歲中有德令一曰木守昴東方刀劍貴守  
其南糴一賤一貴其月土工興有變政守其北有別離之國奪國

地之君西不占

木入昴胡兵起八國有土工有赦却萌曰天下有白衣聚西官侯曰金寶貴 木入昴而守之天下獄空

木中犯乘凌昴大臣有坐法死者閔津吏憂人食草木却萌曰天子伐胡兵起一曰近臣為亂巫咸曰有水災萬物不成 木乘

犯守昴出其北胡王死陸國憂 木守昴東至天高復及

至五車邊兵起有赦木之昴棺木大貴 木居昴畢間色

赤大旱其國有大殃 木舍昴處其南男子病歲早晚水

處其北多暴雨處其東有徙民處其南土工興民多口舌一曰

舍昂南有死君

木逆行昂人君多殺不辜

木出入留舍昂其年旱霜齊伯曰

胡人以用兵耗其國國空死兵米豆布帛貴留之五十日不下  
郝胡曰有死將期四月有死君期三年一曰有破君死將處  
其東金鐵貴處其南有土工處其西泉貴處其北陰國憂  
木守昂而去復返兵發有赦

熒惑守昂有赦不出三十日兵起有旱有無罪而受誅者守之九  
十日谷大貴河圖聖洽符曰政令苛擾民若其誅天下愁怨  
不出六月大有贖一曰天下多撤水旱不時巫咸曰四夷兵起天

下多火災萬物不成人多病死海中占曰胡不寧多病死却胡  
曰大臣為亂天下謀主大將反將帥有囚者又曰地裂山崩人  
流亡西官侯曰民多霍春三月旱馬牛多死一曰大將出士卒病  
野有流血一曰有急令道不通火在陽為中國在陰為胡一  
曰貴人多死趙魏有兵荊州占曰火守昴東齊吳負兵守昴  
南荆越負兵守昴西秦鄭負兵守昴北燕趙負兵守昴中  
周宋負兵

黃帝占曰火以春三月守昴其下有旱夏守秋旱秋守冬旱  
冬守來年春旱却萌曰火夏守昴秋穰貴

火犯昴若入之胡人聚中國匈奴大出四夷兵起國有憂火守  
昴環繞之成句已有故

火入昴天子有急令郝萌曰貴人多斃死者一曰有大兵大旱大飢并氏  
曰胡人突入其北胡王死一曰匈奴兵起乙巳占曰火入昴天下不安  
兵起有兵兵亦罷四月五月有故近期十五日遠期三十日有故  
又曰不可為兵客

火入昴已去之復還守之有臣為天下破匈奴者期三年  
火留昴畢牛馬多死郝萌曰主典吏多為奸者

火守昴并氏曰天下多盜賊郝萌曰多賊斂

火出入留舍昂有兵巫咸曰火出入留舍昂赤色而光因犯之以行胡人為亂不出三月軍在外其西北八十里

火行畢間而留守之三十日不去春秋洽誠圖曰為躍其足辟兎相續婦人哀哭無所抵屬民食不足行道相食

火中犯乘昂天子用兵伐胡王天下騷動

鎮星守昂女主失勢若守之一年不出將軍出征一二年乃止流西北石氏曰天下民大貧又多病疾一曰天下旱多火災有土工巫咸曰萬物不成武審曰占之天下飢

土入昂胡王死為亂兵起不出年其乙巳占曰將軍出師有大戰兵

起西方

土入昴中却萌曰地動水溢趙地有兵一曰度壞

土逆行昴女主飲食過度一曰以飲食遇害

土逆行昴女主干政 土行守昴北胡王北陰國凶

土出入留舍昴胡人為亂土工民疾疫兵大起出

土中犯乘昴天下有喜一曰中國吉陰國凶天子用于胡一曰為白衣  
之會乘其北胡國大出其北為陰為憂

土出昴而守之兵起東方 土入昴而犯守之居其南男子多死

居其北有女喪居東六畜死居其西兵起國有憂



太白犯昴陳卓曰兵起其中旱大將死一曰大熱

太白守昴兵有起天下流血將軍下獄匈奴尤甚一曰兵從關門入主人出走郗萌曰不有亡國必有謀主者耳氏曰久守之陰國凶胡可伐黃帝占曰太白守昴天子于四夷春秋元命包曰政絕井氏曰有更令若有大赦期百八十日至咸曰國易政大人當之海中占曰將軍有聚衆石氏曰胡入若守其北西北夷有毒霜早降歲有疾病一曰胡不安期六十日有自立王

太白入昴石氏曰天下擾兵大起郗萌曰有大赦星行疾期疾行遲期遲玉曆曰有大憂國易政流血千里主命者惡之期不出

其曰趙地受兵

太白入昴出其北胡王死

太白之昴行其北陰國有凶

太白舍昴黃帝占曰留之四五十日不去即大臣有死者耳氏曰太白去昴一尺賤人貴

太白出入留舍昴在其北有女喪在其南有男喪黃帝占曰大臣憂兵起太白逆行守昴天下擾擾多獄事一曰大臣有獄死者一曰太兵起流千里太白與昴開不出其年有反臣

太白中犯乘昴天子起兵伐胡一曰臣有謀國易政令金在昴北胡王死胡國大敗在昴東畜傷星芒角兵起大戰破軍殺將一曰民多病

太白食昴胡人憂趙地受兵其國大傷

太白晝見于昴邊兵大起

辰星中犯乘昴石氏曰有亡國有謀主者若行其北西北夷有毒霜旱降歲有疾爲荊州占曰辰星犯昴夷狄起兵受殃若出其北天子伐胡胡王死陰國凶 水守昴執法之官受誅守之水灾兵起石氏曰

辰星守昴留之二十日若六十日中國開門有大客國大危易政令若有自來之王黃帝占曰水守昴兵起破敗民流亡一曰大水決溢傷五谷鄰萌曰天下守失綱兵起于野石氏曰夷狄盛中國大飢一曰諸侯有誅者 井氏曰辰星守昴角動兵起謀在北方大

將之家及外姓以星入之占其國

辰星逆行守昴獄寬不理兵起大臣死者

水入昴居其中火水平地三尺五穀不成天下大飢一曰戎夷為  
患邊兵大起

客星流星彗孛于犯占

客星守昴中國亂不出八十日臣稱天命郝萌曰臣蔽君德又曰有以藥  
害上者又曰囚有聚兵攻獄者一曰執法之臣誅一曰天下有謀一曰  
魚獵起兵一曰胡有殃天下多亂獄郝萌曰刀劍貴荊州占曰謀  
臣在內有白水聚起

客星入昴黃帝占曰有赦石氏曰白衣之會于國內又曰貴臣有繫

獄囚者一曰天下有大喪又曰獄有妄殺元辜以娛主荊州占曰

水泉大出其民去鄉而就兵邑乙巳占曰貴人有急獄

客星入昴而流守之王者絕嗣同姓自外入為主邾萌曰客星入昴留三

日必赦不赦大咎

客星出昴燕代間有兵起者一曰有喪會乙巳占曰兵滿野邾萌曰客星

出昴陰國有走王

客星出犯乘昴胡兵敗趙國不利

客星合昴南雜一貴一賤居其北有奪地死君

客星會昴不去天下多囚盜賊兵起若留之十日以上不去胡人內自相賊兵起國有來降者

流星入昴貴人有囚繫者一曰胡兵起外國使君若邊使來一曰有白衣會一曰胡王死

流星出昴兵衆滿野若他國有使來期百日遠一年一曰邊兵有赦流星交對抵昴中國與夷狄交兵一曰四夷交兵

彗孛出昴有赦兵有喪一曰大邦起王君弱臣強一曰邊兵大起天子憂彗孛犯昴大臣為亂國兵大起期一年

雲氣干犯占

蒼白雲氣入昴人疾疫多死妖言大起出之則禍除

黑雲氣入昴胡王死

蒼赤雲氣入昴人疾疫多妖言不則龍見

赤雲氣入昴有軍令白衣將兵曰天子自將民聚鼓下

赤雲氣出昴軍在野處 青赤雲氣出昴有兵且有大水

黃白氣潤澤入昴天子白衣之會出昴白衣會罷

昴星有珥兵悉晉成帝咸和六年十一月突感守昴八年七月石

勤使石季龍自立

咸康元年二月乙亥太白犯昴曰兵起歲中歲四月石季龍畧

騎至曆陽加王導大司馬治兵列戍冲要。是時石季龍又圍襄陽。

六月旱

康帝建元二年正月壬午太白入昴占曰趙地有兵又曰天下兵起是歲石季龍殺其子遂遣其將寇沒狄道。

安帝義熙五年二月月犯昴占曰胡兵不安又曰天子破匈奴是歲劉裕伐南燕十月魏主珪遇弒。

觀象玩占卷之十五終



觀象玩占卷之十六

畢宿

總敘

畢八星附耳一星一曰軍車主邊兵弋獵田狩之事一曰天耳一曰天口一曰  
虎口一曰濁一曰天都尉主制侯四方一曰天空水星也又為天獄主伺  
鬼方之動靜察奸謀以備外患故其衝地之陽以為胡夷之候故  
附耳以譏不祥又主街巷主陰而天之雨師也其北上七尺為日月  
五星中道畢主山河以南中國也中國於四海內則在東南為  
陽昂畢之間謂之街陰陽兩界之所分畢為陽國昂為陰國

畢左股大星一曰天高為邊將主掃奸凶通外域其星光大則天下  
和同遠夷來貢失常改色則邊境亂國不寧耀芒則外國叛動  
摧則邊將有急一星不見則為喪為兵離徙則天下獄大亂聚則  
法令酷不明則天下謀亂明而動則多雨附耳動摧則有困令角動則  
諛邪行兵大動明盛則邊兵交戰中國失勢移徙則有亂臣在主  
側附耳入畢口中則天下有大兵邊地尤甚

日月交異占

日在畢食孛相以家事坐罪者春秋感精符曰邊兵自遠國謀亂石氏  
曰天下主獄之臣黜一曰天子好弋獵臣有以弋獵誤君者

月暈于畢胡王死亦為風雨一曰有邊兵趙地之君有憂

月暈畢食其氏曰邊使凶亦曰邊臣誅京氏妖占曰有小兵郝萌曰  
人相食一曰胡人大疫

月暈于畢邊兵起郝萌曰無德令則民憂兵荊州占曰大赦期三十日  
一曰女主惡之一曰邊將囚一曰獄官黜其分飢有兵喪郝萌曰月入  
畢中而暈人主凶 乙巳占曰人主當之

月暈畢三重邊兵叛

月一歲三暈畢天下中外有兵大赦

月變於畢邊有急兵邊將刑

月失行離畢陰則雨一曰月食畢失行舍陽則風舍陰則雨  
月行宿畢而霧君使之諸侯有道死者

月五星干犯占

月犯畢天子誅伐急貴人有死者京房曰天子有變今天文論曰春  
多雨夏多風邊兵起

黃帝占曰月犯畢出其北陰國憂出其南陽國憂

月犯畢大星下犯上臣殺主大將死邊兵起

月入畢中大風起有赦郊萌曰其國君有大憂兵起期一年先起兵者  
破亡與兩肢齊將死劉向洪範曰月畢中將相有以家事生

罪者近期百二十日遠十月一曰有反臣一曰賊臣誅却萌曰有物  
王遠期一年一曰小人自立一曰小人因上將驚有大赦月在畢口  
期六十日赦在踵期三十日一曰有土工又曰有以弋獵無君者石  
氏曰月居畢中不出其女年君死天文錄曰多雨

月食畢賊臣誅貴人多死兵起一曰使邊國者凶一曰諸侯相謀

月亂畢諸侯趙有亂其君當之

月與畢合有赦合其陰雨水為灾合其陽大風

月穿畢過之有兵飢盜起

月犯附耳兵起將相有死者

歲星守畢邊兵起外國謀反稱王臣謀近臣為佞一曰其分飢有赦春秋

合誠圖曰王者出遊獵不出四十日兵東行石氏曰王者有使于

夷狄糴大貴巫咸曰大旱多火災却萌曰萬物不成國以飢亡乙巳占曰木守畢口國大赦受賜夷狄君有德令

木入畢中邊兵起居之八十日臣謀君兵大起巫咸曰木守畢中伺其出日數之期二十日兵發又以始入日數之率一曰期十日兵

罷五星同然

木入畢口中邊有兵將相憂大臣灾一曰大人當之一曰民飢有赦

木出入留舍畢二十日其國以武治天下又曰絲綿布帛貴十倍荆

州占曰三十日不下民流亡不及其鄉

木出畢陽為旱陰水政令不行

木處畢北其年有赦有別尚之國奪地之國且有大水處其南有  
土工男子多疾歲飢處其東多暴雨兵器金鐵貴

木逆行畢人君政穢不時一曰兵起

木居昴畢間色赤大旱國有大殃在君一曰在民

木入畢遂守之中國大亂人主當之守三十日人君起兵有攻戰客  
軍敗民流亡期一年

木留守畢出其北陰國憂出其南陽國憂有兵則客敗主人勝木犯

乘畢中國有亂

木犯附耳乙巳占曰兵起將有憂死不則免退

熒惑守畢其分亂有德令耳氏曰胡王死又曰男子有賜爵之令又曰  
邊地大驚夷入侵中國倉粟出一曰邊將憂有白衣會一曰天下  
多賊盜有亡國石氏曰天子枉刑一曰君憂一曰有走君守之三  
十日有奇令百日匈奴有降王一曰天下道不通海中占曰人君以  
改操廢政 火守畢踵荆州占曰人民駭走去家千里男子婦  
人無所倚留一曰大兵戰留二月二年戰留三月三年以上國易  
政亡守大星大赦錫及夷狄



火守畢昴之間天下道路不通

火犯畢有邊兵刑罰用海中占曰有攻謀之事

火犯畢左角小戰犯右角大戰

火犯畢若留守之出其北陰國憂出其南陽國憂

火入畢黃帝占曰中國之君以兵自衛巫咸曰將相憂一曰國相亂鄰

胡曰有女喪事一曰大赦有白衣之聚一曰為憂兵國易主一曰

國相死

火入畢口其氏曰邊有降軍大駭留之六十日貴臣反伏誅又曰人

飢國亡一曰火入畢門留之三十日以上兵起乙巳占曰火入畢口

有大赦期十五日若三十日將相憂有白衣之徒聚期不出一年  
火逆行畢至昴有死喪寇亂

火逆行守畢荊州占曰兵大起馬損其足牛折其蹄角婦兒逢<sub>七</sub>所  
止託民飢元粟道路相食留二十日以上貴人有披掠者期七十  
日趙地大敗殃

火入畢已去之復還守之有臣為天子破匈奴者期三年郝萌曰諸侯  
女子貴臣有誅者

火出畢行疾無故行遲為憂出其中主也出其旁臣也石氏曰出  
畢陽為旱出畢陰為水

火在畢、為天空不可為人客為人客有殃

火與合光其臣亡一曰女主憂

火合畢其國多枉刑有淫獵

火合畢口貴人有掠死者舍之六十日有夷狄者其國滅無後一曰有邊

兵一曰巨有轄太子奉嘗國之事

火出入留舍守之六十日不下女主死大臣諸侯相謀胡兵大戰期  
一年火死附耳邊兵大起將相有死若出貶者

鎮星守畢王侯被廢久守之兵起荊州占曰有赦石氏曰天子政

令不刑人君受制其下有土工陳卓曰賦重役煩民不堪命天文

錄曰邊有降君

土守畢口軍急禦守一曰土舍畢口諸侯有廢者又曰大臣憂兵起

不戰

土入畢中地震水溢大人當之郝萌曰其國易主 土中犯衆畢人

君謀兵曰兵起西北不戰一曰有赦黃帝占曰出其北陰國憂

出其南陽國憂一曰土犯畢為邊兵趙代有憂

土出入留舍畢有軍在外客不勝舍畢中八十日不下兵起客軍

不戰而散 土遂行畢若守之女主出入不時人君以淫獵

廢政

土化附耳兵起將相有死若黜者

太白守畢兵起大臣黜使石氏曰天子虛國多枉刑其氏曰大將  
有功平咸曰諸侯起兵一歲罷又曰水災萬物不成却萌曰有  
急令邊不安相有憂守畢柄有兵邑強守畢旁兵起畢口

國易政

太白入畢中其國危大人當之石氏曰有女喪西官候曰將相有

憂人主惡之石氏曰太白入畢近陽星大將出征有功又曰

太白入畢口與兩股齊兵起期四十日守之五十日期三十

日兵起又曰太白入畢口中馬馳人走戎狄謀奪中國有大

赦星行疾期近行遲則遠一曰有弋獵惑人王者

太白在東方入畢口兵大起國易政

太白入畢口而守之有反臣大將出征有功國易政玄冥占曰將軍  
為亂君衛位大臣當之

太白犯乘凌畢有大兵民多死郝萌曰有急令相死一曰邊兵敗至咸  
曰有水災五谷不成一曰刑罰急黃帝占曰太白犯畢出其北

陰國憂

太白犯畢殺左右大星石氏曰大將戰死右星為右將死左星為左  
將死一曰太白乘畢若凌之邊將戰死

太白出入留舍畢兵起北方天下有憂非一國六十日不下天下有  
立王百日不下有大喪不出四年

太白出畢尚之一尺國豐出陰水出陽旱

太白貫畢倉庫空虛四夷交侵遠地大擾北官候曰太白抵畢  
出入天兵驚民出

太白犯附耳國有讒臣在主側以敗讒或主君相皆喜兵起國不憂  
辰星守畢邊兵起有水災萬物不成臣謀反近臣為佞外國稱王

黃帝占曰山崩水災民流巫咸曰邊有江水起兵并氏曰民多病  
死都萌曰野人以飢為亂

水犯畢出其北、國憂出其南、國憂荊州占曰水犯畢邊兵起鄰  
萌曰若水犯之兵起於外北夷有憂

水入畢有憂有兵國易政伺其出日伺之同木星占

水犯附耳兵起將相憂

客星流星彗孛干犯占

客星入畢石氏曰邊兵起牛羊貴二曰有弋獵惑人主者一曰邊兵亂  
天下有赦却萌曰多獄事貴人有繫囚者荊州占曰四夷並  
起為盜賊或曰國有兵謀一曰女主憂諸侯憂亦為君憂先起  
兵者亡



太白出入留舍畢兵起北方天下有憂非一國六十日不下天下有  
立王百日不下有大喪不出四年

太白出畢尚之一尺國豐出陰水出陽旱

太白貫畢倉庫空虛四夷交侵邊地大擾北官候曰太白抵畢  
出入天兵驚民出

太白犯附耳國有諛臣在主側以政儼或主君相皆喜兵起國大憂  
辰星守畢邊兵起有水災萬物不成臣謀反近臣為佞外國稱王  
黃帝占曰山崩水災民流巫咸曰邊有江水起兵并氏曰民多病  
死都萌曰野人以飢為亂

水犯畢出其北。國憂出其南。國憂荊州占曰水犯畢邊兵起郝  
萌曰若水犯之兵起於外北夷有憂

水入畢有憂有兵國易政伺其出日伺之同木星占

水犯附耳兵起將相憂

客星流星彗孛干犯占

客星入畢石氏曰邊兵起牛羊貴二曰有弋獵惑人主者一曰邊兵亂  
天下有赦郝萌曰多獄事貴人有繫囚者荊州占曰四夷並  
起為盜賊或曰國有兵謀一曰女主憂諸侯憂亦為君憂先起  
兵者亡

客星出畢口與兩股齊有主王又曰三十日兵發其去也視其東四

南北所往及所主近宿或受兵

客星入畢留不去牛馬貴一曰天子絕嗣

黃星入畢三夜常夜不見相死九十日死后死百二十日大人當之

客星犯畢人民流亡不返其鄉一曰鐵鉞用大臣憂一曰無兵起有兵

兵罷

客星出畢國人為亂有走君巫咸曰邊夷兵起胡寇入天下飢有亡  
國近一年遠三年郊萌曰車馬急行荊州占曰君以獵廢政

客星守畢歲大飢石氏曰終臣蔽主德甘氏曰外國稱王有詐使

不可信一曰內臣與外臣通謀郝萌曰人主憂有陰謀事不成  
一曰工役興風雨不時谷貴一曰天子無後一曰霜大下滿水溢民  
流亡大將出師視星所之以命所伐

客星犯附耳邊兵大起

流星入畢先起兵者敗一曰貴臣囚繫一曰有兵謀一曰邊兵大戰天文  
錄曰其分君憂有逐相

流星入畢中而復出其星小一曰小敵

流星以乙巳占曰國有民流

流星出畢君有田獵之事於外

流星犯畢邊兵大起春夏犯有戰流血秋冬犯之大水魚行人道  
流星色黃潤入畢凶奴入塞出畢天子遣使安邊一曰有大赦  
流星角赤貫畢胡人兵大起

彗孛行犯畢胡人為寇野外血流期一年

彗孛掃畢邊兵大戰積屍千里

彗孛出畢馬貴爵祿亂芒內指中國兵敗外指夷狄敗

彗孛出畢口石氏曰相為亂國易政兵起工役興天下大動

蒼彗出畢五谷不成下有破軍亡國 亦彗出畢

其分主憂

黃彗出畢女主為亂

白彗出畢有兵喪

黑彗出畢水溢河江決

彗出畢參之間而長狀如竹竿其本有星彙然此

鎮星之變見以為兵戒不出一年兵起宮中女主受殃

彗守守畢柄候色益土

彗雲出附耳庶雄起群臣反

雲氣干犯占

蒼白雲氣入畢歲不收則禍除

赤雲氣入畢兵起

赤氣入畢如波揚大旱有火災

黃白氣入畢其歲善出畢則

受民田一曰黃白氣入畢天子有太子太子喜兵在外者解一曰

其歲大有

黑氣入畢相亂政將死

白氣入畢相死出則禍除

黃氣出畢將軍兵出

黃白氣出畢有拜將

赤氣出畢將軍兵出

赤氣入附耳兵起出之將軍出兵

蒼白氣入附耳將軍死

黃白氣入附耳天下安無兵

黑氣入附耳將死

黃白氣出附耳有拜將

漢明帝永平十六年四月癸未太白犯畢為邊兵其後匈奴入雲  
中至成陽使者高弘發三群兵追討無所得太僕奏彤生不進

下獄

雷宿

總敘

觜三星曰觜白虎之首也為三軍之候行軍之藏府金星也主葆旅收  
斂萬物亦為刀鉞斬刈之事一曰天貨主寶其北上三尺為日月五  
星中道內主梁外主已漢星明則天下安五谷熟軍有儲將得勢  
不明則不可出師動則葆旅事起天下旱君臣失位明而動獲則  
天下盜賊群行移徙則將有逢者移而近參左肩則臣謀君近右肩  
則臣伐主若有大命

日月變異占

日在觜食下臣為逆一曰大將謀議一曰戒在將兵之臣一曰夷狄兵起將戮  
日暈于觜陰國弱一曰戎狄國多疾疫一曰臣憂有大水且旱暈三重其下



五谷不登人疫

暈五重有大赦不出六年

月在朔食早有臣子殺狂殺者一曰貴臣大將有憂一曰主兵之臣當黜

一曰刑罰濫

月暈于宵女子多死郝萌曰有德令荆州占曰大赦河圖帝覽嬉曰

大將死道上多死人弓弩貴人多兵死

月宿于宵有變將相有殃一曰有刑罰之事

月五星干犯占

月犯宵將有叛者一曰小戰吏多死道路亦為叛者一曰兵大起有赦荆

州占曰其分民災

歲星守甯人飢守之三日內主自將兵于野五穀米傷貴久守之丁壯  
暴死石氏曰疾疫國有反者又曰西方兵動侵地欲爭君荊州占曰  
多妖恠大臣亡一曰民多病虐乙巳占曰木守甯君臣和同又曰不  
出一旬必有覘候之事天子憂期申辰日

木犯甯海中占曰有覘候之事農者得耕君后俱忌之一曰五穀不成國  
大飢天下大疫石氏曰國兵起天下動移一曰天下盜多

木入甯邾萌白五谷忽貴忽賤歲一旱一水天時不和多盜賊

木出入留舍甯六十日不下禾豆未傷九十日不下候王建功二百日

不下客軍大敗一曰山林空

木行之甯人君誅伐不當

木行之甯兵器大貴

木未舍甯有白衣之會

熒惑守甯一物不生天下亂守之三十日有賜爵祿之事黃帝占曰將

軍及天子之軍破牛馬有急行一曰國有喪糴責春秋文耀鉞曰

功臣逐石氏曰西戎共起巫咸曰旱五谷不成天子不可舉兵又曰

有石墜以占何國一曰法律壞小民多傷一曰國易政天下多不孝子

父子相爭奪兵器責六畜疾山林空荊州占曰誅罰不行一曰多

火災

火犯甯其分兵飢天下動移黃帝占曰野有反者斧鉞用平咸曰大旱多  
火災雜貴

火入甯萬物不生其下有兵平咸曰伺其出日而數之期三十日兵發又  
以數始入日之率一曰期十日兵罷

火出甯間其氏曰天下亂出東方災西方大得南北方同之一曰出其東西

方吉東方凶 火行之甯大臣有憂

火與甯合光石氏曰趙相死一曰其地守臣憂

火出合入留甯天子自將兵

火犯甯而守之六十日不去國有大喪大臣誅五谷大貴兵大起

鎮星守甯其野亡地石氏曰國有叛者平咸曰有兵水災萬物不成兵去其國不居其室一曰西方客兵動侵地君主崇禮制儀則可以滅咎乙巳占曰土守甯所出之宿國亡地所入之宿國得地

土犯甯兵起天子不安其宮黃帝占曰國有土功事石氏曰天下動移却萌曰民人叛亡

土入甯其國兵起天子宮中有兵 土逆行甯文王自恣

太白守甯井氏曰天下安寧平咸曰其分守臣叛物不成人疾石氏曰有急令西方有客兵來爭國黃帝占曰下臣謀上國易政兵起斧鉞用大臣當之期九十日乙巳占曰當寒反溫當溫反寒陰陽交錯風

兩失節四方兵動又曰天下起兵民相謀一日不出三十日大將反  
天子軍破牛馬有急行

金犯觜其氏曰其國大臣為亂兵起斧鉞用一日萬物不成天下兵起  
金入觜有兵一曰大臣為亂大人當之國易政金出入留舍觜兵起有戰  
貴人憂其國下有山崩地裂大人當之金與觜合在其陽為風  
在其陰為水一曰有德令

辰星入觜其氏曰子歸其母也君臣和同平咸曰水入觜中伺其出日  
而數之期二十日兵發又以其始入之日數率一曰期十日兵罷

水守觜平咸曰萬物不成多火災大人憂不出百日天下大飢郝萌曰天

子不可動衆行師二曰其地人飢石氏曰其下水災趙國尤甚有友  
臣不出百日兵起先動者敗

水犯甯不可動衆行師其國有水災兵起大飢有反臣天下亂

客星流星彗孛干犯占

客星犯甯其國破亡 客星出甯內臣與外臣交通謀其主星明而  
行則事覺不成星不明不行則不覺事不成期一年石氏曰客星  
出甯魏有良臣在國而南二千里荊州占曰客星出甯色青為  
憂赤為兵白為喪黑為水黃為土工黃白則吉

客星守甯西戎有欲為王而來侵土者黃帝占曰下謀君巫咸曰有大

喪又曰有水灾人多餓死期不出三年一曰黑星守甯谷貴

客星入甯黃帝占曰西戎侵邊車馬急行却萌曰有大喪官臣為逆一曰有葆祿之事于國內

荊州占曰客星入甯色青有憂亦有兵黃白吉黑水灾谷大貴黃帝占曰赤星入甯內臣與外臣合謀為逆其星行動則不成不

動則事期一月

流星入甯中有叛臣大兵聚其下車馬急行人主憂期百八十日遠一年出之則兵罷 乙巳占曰流星入甯口中者天子使也宿中來者外使也三十丈至百丈將軍使也十丈至二十丈小使也視其所起



之處言之皆不出一年

流星出背國兵敗一曰君王欲行斬殺事春夏犯多雨秋冬犯大風  
大雨人民多病

彗守入背大臣出戰泉大責天子多殺不幸有失地死王有破國期三  
年遠五年一曰彗見背人流亡有破國亂軍死其辜

彗守犯背國兵起天下動擾期一年遠三年一曰有攸軍君易位

雲氣干犯占

蒼白雲氣入背天子有祿祿之事出則禍除

赤雲氣入背兵起 黃雲氣出背國兵隨之出背國兵入

赤雲如湯波入觜中入國漢文兵出國隨真之出

黃白氣潤澤入觜有神室入一曰有負宝玉來獻天子者

白氣入觜大人憂造將戮趙地有突出之禍除

白氣出觜有葆旅之事于國外

參宿

總敘

參七星伐三星曰參伐七星為首共為十星為虎身伐為尾觜為首

共為白虎主西方參一曰大辰一曰天市一曰鍾龍金星也亦曰鉄

鉞主斬刈事為刑罰又為天尉主邊臣有九譯鮮卑戎狄之國

七星為將軍其中三星橫列為權衡所以主平理前二大星  
曰左右肩左主左將軍右主右將軍左右兩足左主後將軍右主  
偏將軍中三星為三將軍也七星皆主邊將軍兵其左肩北三  
尺為日月五星中道七星皆明則天下兵精暗小則將弱芒角  
大張赤輝旁射則三軍駭動天子躬甲自將兵出征動權則邊  
有急况光欲改軍參差不常則君任忠臣有外謀明大則大將執  
權天下易政蹶聚則誅細微則天下兵不精離徒則大將逐迫  
則天下利急參右足應在玉井中虎性暴怒足下有井動則陷之  
以節其勢故謂之陷足虎不得妄動是以天下無兵若足出井外

便得縱逸則天下之兵大起參星不具則國亡地失色則軍敗散中  
星差而南則胡兵入塞復正人退星移則客伐王人參兩肩外明  
而大則兵外強內明而大則兵內強左股亡則東方南方不可舉  
兵右股亡則西方北方不可舉兵參左足入玉井則大兵起天下大水  
若有喪山石為恠若突出玉井則虎狼為暴害其中星差而北胡  
人北參四足若進者則將出兵有功退無功進者移而北退者移而  
南也井氏曰參為忠良孝慎之子星明大則臣忠子孝移動改常  
則忠臣受枉伐主斬刈星不欲其明、與參等則大臣謀君星大  
則兵起踈折則法令弛縱聚刑罰急動則有斬伐之事移南則

胡人入塞移北則胡人出塞角則諸侯之官排門閭角動黃芒  
則天子戒常以夏三月視參四星進前則兵起退則兵罷又是參  
前兩星動撞則兵起天子有憂守常則吉

日月變異占

日在參食大臣受譖殺其子兵起春秋符曰大臣憂近臣相戮以外勝內  
遠國強其氏曰戒之在將帥之臣二曰大旱人食草木平歲曰晉國  
有殃其君凶其分有拔城大戰又曰田荒米貴日暈于參解旱國  
君死邊將出將軍憂二曰大飢

日暈于參如鼎蓋外國有未降和親者

月在參食其分大飢臣下有謀天文錄曰兵在外大將死其國憂天下更令一曰其分有大兵田荒米貴石氏曰大旱赤地千里乙巳占曰王兵之臣當出

月暈參伐斜萌曰不出歲中天下亂其國兵出弱戰不勝地震又主有殃  
荆州占曰其分國君客軍大恐邪萌曰有敵暈二星小敵暈三星  
大敵以衡為期石氏曰將軍死貴人有誅者

月暈參匝之有雲潰兵大起軍在外則大戰

月以十一月十二月正月暈參其歲虎狼群出為害其氏曰月以正月暈  
參伐不出三旬兵起

月在參有變邊兵急百姓食蓀秣月宿參伐有風雨

月五星干犯占

月犯參伐有兵爭競城堡海中曰國有憂郝萌曰軍在外將死  
曰貴臣誅大旱人食人

月乘犯參左肩左將軍戰死右肩右將軍戰死中星大將戰死

月食參伐星兵起有戰將死黃帝占曰月食參星貴人誅天下大飢

大旱人相食兵大起

月犯乘參右肩其氏曰五谷熟

歲星守參大疫王者有疾人民流散改立國君石氏曰國有反者五谷

更貴二曰王后惡之一曰有大兵天下襄不耕荆州占曰多雨歲惡  
巫咸曰萬物不成大飢海中占曰多盜賊高田貴下田賤其年草  
木多腐一曰晚稼不成

木犯參石氏曰水旱不時有兵喪耳氏曰歲大疫巫咸曰大飢

木犯參犯守之其國以兵致天下一曰天下有兵驚退而守之士卒出  
散五谷貴一曰水大為災

木入守參伐天下有兵

木入守參荆州 占曰七日以上至七十日天子欲出之他國不百八日

木逆行參其君誅伐不當都萌曰木逆行參留上衝中兵起



木合參若留守之黃帝占曰木處參東若伐東天下多走民却  
萌曰木處參南若伐南為易君一曰大人有寒熱之疫處參北  
若伐北國易參東若伐東晚稼不成處參西若伐西產婦多死  
荊州占曰木處參的遠者是王者所欲封期一年

木合參若處後有及臣中兵起

炎惑守參外兵入一曰西方不安有敵若久守之五十日不下天下  
以火為憂有改改秦地大山百日不下財物貴大旱猪羊病巫  
咸曰火守參早五谷不成黃帝占曰多霜多雪荊州占曰斧鉞  
用石氏曰天下兵起秦地灾布貴守五日穰暴守之滿六十日

宮中有戰一曰兵有千里之行牛馬多死石氏曰大將及天子之  
軍破五谷大貴人相食火以夏四月守參金鉞發王者徒宮五月  
守之大臣有下獄者郝萌曰火守參足下五日糴暴貴二十日  
以上大賤三十日有赦天下金貴

火犯參黃帝占曰大將及四方相射王者轉徙宮室兵火相連

火犯參右肩石氏曰兵起大戰

火入參主瘋發郝萌曰留之一月將死二月后死三月主人死一曰國君灾市  
火入參而守之二十日以上兵起于野將軍出戰死一曰有石隕于野

石所墜有反者火守伐陳卓曰天下更政朔海中占曰守伐

五日人主忌之一曰火入伐有兵戰守之五百大將死

火伐不出三旬有大合

火逆行至參將軍下有獄者

火逆行至參而留止衛中兵起

火逆行入參成勾也天子失度天下大亂若環繞之有大喪主命惡之期

一年三年遠荆州占曰火逆行入參中必有餓死國君若有戮死者

火與參同出有戮臣

火與客星同見參中天下更改大國之君為臣所謀

鎮星守參大臣出國使奸人為邊逆一曰有邊兵天下治城石氏曰天下

有喪海中占曰其下軍破國亡一曰后夫人當之一曰大臣出使有外兵

土星入參行陰為水災五谷不成民流亡

土星角動赤黑色觸參中星臣弑其君

土犯參石氏曰國有反者郝萌曰奸臣謀上

土逆行留止參衛中兵大起

土舍參出入留止西官候曰天下治城郭修武備郝萌曰高田賤下田貴

太白守入參大臣為亂石氏曰有反兵天下有破軍牛馬有急行郝萌

曰雜貴國大危井氏曰將軍出外降邊兵大戰海中占曰大水西

方尤甚一曰為旱火之災王者失位國易政一曰有伐國

太白守伐星衛尉若將軍凶

太白犯參天下兵起軍略曰邊兵起石氏曰有亂臣西侯曰金犯參右  
肩有大戰右將軍憂犯左肩左將軍憂亦為大臣有憂太白夾  
決事占曰太白犯參右股戰不勝將軍死犯左股戰大勝

太白抵參出入荊州占曰兵大起天下驚

太白逆行參若留止衝中兵起

太白出入留舍參名將死天下兵起而不用人民流亡不居其鄉不出期  
年山谷皆空

太白入參外兵起留之三十日天子有喪

太白犯守大臣為亂兵車大發有急令

太白宿伐有反臣中兵起

辰星守參國易政更發令邊兵起大戰水寅五谷不成一曰有反臣石氏曰天子不可舉兵動衆一曰有赦

水守伐星有內亂中兵起衛尉當之有反臣一曰后夫人當之一曰邊兵起水星移而南胡入塞移而北胡出塞

水入伐星兵起出其南胡人入出其北胡人出

水犯參若索之其氏曰責臣出一曰國有水兵

水出參天子不可用兵動衆必有反臣

水出參中有邊地兵

水與參同出西方天文志曰為旱大灾

水逆行留止參兵起外夷人侵邊將憂

水入參而犯之兵起有拔邑先起者亡後起者昌

水入參色青黑不出其年兵起臣誅水逆行代有父臣

客星流星彗孛干犯占

客星守參邊州亡地石氏曰歲飢國敗郝萌曰有臣執事有好臣以女  
色惑天子者老人多死馬貴二曰有易君白為死赤為兵青為  
憂疾黃為吉一曰旱米貴石氏曰客星守參魏多君子

客星出參外兵入邊城圍有戰不出二年耳氏曰有亡地馬貴郝萌曰

大臣憂多賊以日辰教言人數

赤星入參石比曰武卒用若守之埽賸相拒

客星入參邊有暴兵圍城城懷夏氏曰谷貴一日諸侯圍當之一日有  
衡石之事祁萌曰宮中有自赤者入其陽為男陰為女子

客星入伐有兵亡傷色黑青縣令有罪黃白縣令有賜一日入伐有斬  
刈之事于國出之有斬刈之事于國外

客星守伐大臣有謀者

客星舍伐色黑為水白喪青憂赤兵黃為上工

客星出參鉄鎖兵出入參鉄鎖兵入



客兵入參兵起國亂

飛星入參外兵悉發一日蠻夷使來郝萌曰邊臣被圍天文錄曰  
先起兵者勝一日有衝石之事于國內乙巳占曰星色青黑  
不出其年兵起

流星入參左五谷貴入參右五谷熟

流星出參兵大出一日有衝石之事于國外

流星出參南門刺參不出十年有一統占曰南井也亦星抵參至  
伐而止有外兵

流星犯參邊兵大起春夏犯名將死秋冬犯猛將死

流星犯玉井天下流血成川

彗孛出參伐甘氏曰大臣反兵殺地天子躬申弓弩恒張皇后夏憂  
斧鉞用天下更改令期三年遠五年

彗孛犯參伐主國亡邊兵大散

雲氣干犯占

蒼白雲氣入參臣為亂 赤雲氣入參內兵起將軍為亂誅

赤雲如波揚入參邊臣倉庫焚

蒼雲白氣出參伐而環繞參天子自將兵巡邊

赤氣出參中央邊有大兵

黑氣出參有兵有水將軍憂

蒼氣入參造境有憂

黑氣入參邊大水將軍死氣銳如鋒大人當之

白氣入參天下用兵一日天子有陰疾

黃氣入參大將受賜

蒼白雲氣入伐大將軍斬刈之事

蒼白氣出伐以白衣行斬刈之事

黃氣出伐將軍戰勝

黑氣出伐以水伐國

赤氣入伐有斬刈將軍憂

觀象玩占卷之十六終